

San Marcos

Ñu wame yeriquiro buhe dɛcahye
(Mt 3.1-12; Lc 3.1-9, 15-17; Jn 1.19-28)

1 ¹Ahri pũpũ Jesucristo Cohãcjũ macũno tiquiro yerire quehnoañe buheyere yahu dɛcaja. ²Cohãcjũ yere yahu mũhtariquiro mũnano Isaia tiquiro ojoariro sahata yahuye ijire. Ohõ saha ni ojoahye tiquiro: Cohãcjũ tiquiro macũnore ohõ saha niahye: “Mũhũ pano mũhũre yahuyuatiquirore ohoyugũ niaja. ³Sa yero tiquiro masa marienopũ waharota. Tiquirore tũhoyequinare yahuro sañuducurota: ‘Mari pũhtoro tiquiro ahtato pano mahare mari quehnoyuro saha quehnoana ijyuyua mũsa. Mũsa ñañe yerire bũjũa witiya,’ ni sañuducurota,” niahye Cohãcjũ, ni ojoahye Isaia.

⁴Ñu wame yeriquiro masa marienopũ buhee tiahye.

—Mũsa ñañe yerire bũjũa witiya. Yojoopũre quehnoañe pehere comesaya. Sa yena wame yenohrina ijyia. Mũsa sa comesagũ ihñano Cohãcjũ mũsa ñañe yerire borota, ni buhee tiahye tiquiro.

⁵Sa yero ijipihtyequina Judea dihta cjẽ macari cjẽna Jerusalẽ cjẽna mehna tiquiro cahapũ esagũ ihñano Ñu pehe Jordã wame tiri mapũ wame yeahye tiquinare. Tiquinare tiquiro wame yegũ tiquina pehe tiquina ñañe yerire yahu yũhdũahye Cohãcjũre.

⁶Sa yero Ñu camello poari suhtirore sañariquiro wahiquina cahsero mehna tuã dihoriquiro ijiahye. Poreroare, umiquina nũcũ cjẽna umine ihyaẽ tiahye. ⁷Sa yero ohõ saha ni buhee tiahye.

—Yũhũ bato yũhũ yũhdũoro tutuariquiro ahtarota. Quehnoa yũhdũariquiro ijire tiquiro. Tiquiro yero saha ijieraja yũhũ pehe. Sa yegũ tiquirore tũhotugũ, “Ihyo ijigũ ijiaja yũhũ”, ni tũhotuaja yũhũ. ⁸Mũsare wame yegũ aco mehna wame yei. Tiquiro pehe yũhũ yũhdũoro yerota. Espĩritu Santore masa mehna ijiducugũ yerota, ni buhee tiahye Ñu.

Ñu Jesure wame yeahye
(Mt 3.13-17; Lc 3.21-22)

⁹Sa ye ti pjere Jesu Nazarepũ Galilea yehpapũ ijiri macapũ ijiriquiro Jordã wame tiri mapũ esahye. Topũ tiquiro esagũ Ñu wame yeahye tiquirore.
¹⁰Tiquiro wame ye tuhasagũ Jesu diapũ ijiriquiro maja saduca uhmũanopũ ihña mũoahye. Uhmũse parĩ maa wahahye. To parĩ maagũta Espĩritu bujua yero saha Jesu bui dijia tahye. ¹¹Sa yero uhmũserpũ yahuducuro ca tahye:
—Mũhũ yũhũ macũ yũhũ cahĩgũ ijire. Mũhũ mehna tutuaro bucueaja, nino ca tahye uhmũserpũ.

Satana ñañene ye dutimahye Jesure
(Mt 4.1-11; Lc 4.1-13)

¹²Ti pjere Jesure masa marienopũ Espĩritu Santo neahye. ¹³Topũre esaro cuarenta decori waro ijiahye. Watĩno pehe Jesu tiquiro ñañene yegũ ihña duaro ñañene ye dutimahye tiquirore. Sa yero Jesu wahiquina nũcu cjẽna mehna ijiahye. Topũ tiquiro ijigũ ihñañe angele pehe tiquirore yedohoahye.

Jesu Galilea yehpapũ buhe dũcahye
(Mt 4.12-17; Lc 4.14-15)

¹⁴Sa ye Ñure peresupũ tiquina biha daporĩ bato Jesu pehe Galilea yehpapũ quehnoañe buheyere Cohãcjũ puhtoro ijiyere yahuro wahahye.
¹⁵Ohõ saha ni yahuahye:
—Yojopũre ohõ saha ijire. Cohãcjũ tiquiro puhtoro ijiato mehenogã dũhsare. Musa ñañe yerire bujua witiya. Sa yena quehnoañene comesaya. Quehnoañe buheyere tuhoya musa, ni buhee tiahye Jesu.

Jesu pititiaro wahi yohyeyequinare
“Yũhũ mehna cjãna ijiana ahtaya”, niahye
(Mt 4.18-22; Lc 5.1-11)

¹⁶Tire yahu tuhasaro Galilea wame tiri ditara dũhtũ cahapũ esaro, ihñahye Simore, tiquiro bahũro Andre mehna. Tiquina wahi yohyeyequina ijiahye. Sa ye tiquina wẽñecjũre doque ñoñe niahye ti ditarapũ.

¹⁷—Yũhũ mehna cjãna ijiana ahtaya mũsa. Yũhũ mehna mũsa ahtagũ mũsa wahire ñehe cahmecoana mũsa ijiro saha Cohãcjũ yequina ijiatiquinare masare piji cahmecoana ijigũ yeitja mũsare. Yũhũ mehna mũsa ahtagũ sa yeanaajare cũtja mũsare, niahye Jesu.

¹⁸Tiquiro sa nigũ tuhoye tiquina wẽñecjũre cũ cã, tiquiro mehna wahahye.

¹⁹Sa ye tiquina mehenogã yũhdũ cã, Santiagore, tiquiro bahũro Ñu gũhũre boca sahye tja. Tiquina pehe Zebedeo pohne ijiahye. Tiquina yaria yucũsarũ wẽñecjũre quehnoñe niahye. ²⁰Sa yero tiquiro pijioagũ tiquina pehe tiquina pacũrore, tiquirore yedohoyequina mehna yucũsarũ cũ cã, Jesu mehna wahahye.

Watĩare cʉoriqiro Jesure piti cahye

(Lc 4.31-37)

²¹Sa ye tiquina Capernau wame tiri macapɸ esahye. Sa yero saurú ijigũ judio masa buheri wɸɸɸɸ buhero esahye tiqiro. ²²Sa yero tiqiro quehnoano masi pehoriquiro buhero usã judio masare buheyequina yero saha ijierahye tiqiro. Tiqiro sa buhegũ ti maca cjēna tũho maria wahahye. ²³Ti pjere ti wɸɸɸɸ ijiriquiro watĩare cʉoriqiro ijiahye. Sa yero ohõ saha niahye Jesure:

²⁴—Mɸɸɸ Jesu Nazare cjũ cariboeracãhña usãre. ¿Duhse yei tɸɸ nijari usãre? ¿Mɸɸɸ usãre butigũ yei tɸɸ nijari? Cohãcjũ macɸ quehnoagɸ mɸɸɸ ijigũ yɸɸ masiaja, ni sañuducuahye tiqiro Jesure.

²⁵Tiqiro sa nigũ tũhoro Jesu tuhtiahye watĩare:

—Dihta mariahña. Duhuya tiqirore, niahye Jesu.

²⁶Sa yeye watĩa tiqirore yehpɸɸ doque quehe sa tunugũ yeye, tiqiro tutuaro sañuducuri watoa duhuahye tiqirore. ²⁷Sa ye ijipihtiequina ti wɸɸɸɸ dujiyequina acɸa yɸɸɸɸ waha, ohõ saha niahye:

—Ahyou. ¿Ahri wahma buheye ijijari? Tiqiro pũhtoro yero saha dutire watĩare. Tiqiro dutigũ tiquina watĩa pehe yɸɸɸɸcaerare tiqirore, ni yahuducuahye ti wɸɸɸɸ dujiyequina tiquina basi.

²⁸Sa ye meheñe decori batota duita ijipihtiequina Galilea yehpa cjēna tire tiqiro sa yerire tũhoahye.

Jesu Simo Pedro mareonore duti yɸɸɸgũ yeahye

(Mt 8.14-15; Lc 4.38-39)

²⁹Sa ye Jesu gũhɸ judio masa buheri wɸɸɸɸ ijiriquina wijiaa wahahye. Tiquina sa wijjari bato Jesu, Santiago, Ñu, apequina tiquina mehna cjēna gũhɸre, Simo, tiqiro bahɸro Andre mehna tiquina ya wɸɸɸɸ siho sajã sahye. ³⁰Ti pjere Simo mareono ujuaye dohatiricoro cuñano bui ticoro cuñagũ ihñañe yahuahye Jesure. ³¹Tiquina sa ni yahugũ tũhoro tiqiro pehe ticoro cahapɸ esaro, ticoro omocare ñehe, ticorore weje wahcõ dapoahye. Tiqiro sa weje wahcõ dapogũta ticorore ujuaye surua wahahye. Ti sa sururi bato ticorota ihyayere peoahye.

Jesu peyequina dohatiyequinare yɸɸɸoahye

(Mt 8.16-17; Lc 4.40-41)

³²Ñamicahapɸ asũ sajãri bato masa peyequina dohatiyequinare, watĩa cɸoyequinare Jesu cahapɸ ne sahye. ³³Sa ye ijipihtiequina ti maca cjēna cahmecoa dɸca sahye ti wɸɸɸ sopecahapɸ. ³⁴Sa yero Jesu peyequina dohatiyequinare, peyequina watĩa cɸoyequinare quehnoa wahagũ yeahye. Peyequina watĩare cohãhye. Sa yero Jesure watĩa tiqirore masigũ ihñano Jesu pehe tiquinare yahuducu dutierahye.

Jesu buhe tinino wahahye

(Lc 4.42-44)

³⁵Sa ye ñami cjūno wahcā, nahitia cjūgū masa marienopu Cohācjüre sinino wahahye Jesu. ³⁶Tiquiro sa wahagū ihñañe Simo gūhu tiquirore macañe esahye. ³⁷Sa ye tiquirore piti caye, ohō saha niahye:

—Masa ijipihtiyequina mūhure macañe nidi, niahye tiquina.

³⁸Tiquina sa nigū tūhoro ohō saha niahye Jesu:

—Ahri macarine buhegu ahtaŋ yūhū. Sa yena apeye macari ohō cahagā cjē macaripu wahauhna mari. Yūhū ti macari gūhure buheitja, niahye Jesu tiquinare.

³⁹Sa yero ijipihtiye Galilea yehpare buhe tiniahye. Sa yero macaripe judio masa buheye wūhūsepu buhero, watīare masa mehna ijiequinare cohā wioahye.

Jesu cami bucu muna wihirore yūhdūoahye

(Mt 8.1-4; Lc 5.12-16)

⁴⁰Sa ye apequiro dohatiriquiro cami bucu muna wihiro Jesure piti caro dūsepe curi mehna quehe sa siniahye:

—Mūhū yūhūre yūhdūo duagu yūhdūoya, niahye cami bucu muna wihiro.

⁴¹Tiquiro sa nigū tūhoro Jesu tiquirore paja ihñahye. Sa yero tiquiro omocare siōdoqueo tiquirore ña peoahye. Sa ña peoro ohō saha niahye:

—Tire ye duaja. Quehnoagu ijiya mūhū, niahye Jesu.

⁴²Tiquiro sa nigūta tiquiro cami ahbari yati maa wahahye. Quehnoa wahahye tiquiro. ⁴³Tiquiro sa wahagū ihñano Jesu tiquirore tutuaro mehna yahuahye:

⁴⁴—Apequinare ahrire yahu siteracāhñā. Sa yahuerapegūta mūhū pagure pahire ihñōña. Cohācjū dutiye Moiserre tiquiro cūriro sahata yeya. Sa yegu minicjūare ohoya pahire mūhū quehnoagu mūhū waharire masare mūhū ihñōatire, niahye Jesu. Sa ni tuhasa “Wahaya”, niahye tiquirore.

⁴⁵Tiquiro sa yahu dutierapegūta tiquiro waha, ijipihtiye macari cjēnare Jesu yerire yahuahye. Tiquiro sa yahuri bato Jesu masa peyequina ijiropure waha masiedahye. Sa yero tiquiro meheñequinagā ijiropū ijiahye. Topū tiquiro ijigū peye macari cjēna tiquiro caharū esahye.

Jesu tini masieniquirore tinigū yeahye

(Mt 9.1-8; Lc 5.17-26)

2 ¹Meheñe decori bato Jesu Capernaupū tojoa wahahye. Wūhūpū tiquiro ijigū masa tūhoahye. ²Sa ye topū masa peyequina cahmecoa, ti wūhūre wahpa wijiadūca saa wahahye. Sa yero Jesu tiquinare quehnoañe buheyere yahuahye.

³Sa ye apequina gūhū ahta, pititiaro ūmūa tini masieniquirore ne wihiahye.

⁴Tiquina masa peyequina ijigū ihñañe Jesu caharū sañā masiedahye. Sa ye tiquina wūhū buipū muji pahmare ne wedoqueo, Jesu bui waro meheni copegā dahre, tini masieniquirore tiquiro cuñari cahsero mehna duhu dijiyahye Jesu caha waro.

“Jesu ahriquiore tiquiuro dohatiyere yuhdugũ yerota”, ni tũhotuahye tiquina. ⁵Tiquina sa ni tũhotugũ masino Jesu pehe dohatiriquiore ohõ saha ni yahuahye:

—Yũhũ macũ, mũhũ ñañe yerire cohã tuhasaũ, niahye Jesu tini masieniquiuro.

⁶Tiquiro sa nigũ tũhoye, usã acaye judio masare buheyequina topũre dujiyequina tiquina basi ohõ saha ni tũhotumahye: ⁷“Ahriquiuro sa ni yahuducueracãhdo. Cohãcjũre ñano yahuducuro nine tiquiuro. Masũno mari yero saha ijiriquiro ijire tiquiuro gũhũ. Sa yero tiquiuro ahriquiuro ñañe yerire cohã masiedare. Cohãcjũ dihita masa tiquina ñañe yerire cohã masine”, ni tũhotumahye tiquina. ⁸Tiquina sa ni tũhotugũ ihñano Jesu tiquina tũhotuyere masino ohõ saha niahye:

—¿Dũhse yena mũsa sa ni tũhotuajari? ⁹“Mũhũ ñañe yerire cohã tuhasaja”, yũhũ nigũ, “Ni mehogu ijire”, yũhũre nina nine mũsa masiedapenata. Tiquiro tini masieniquiuro “Wahcãdũca, wahaya”, yũhũ nigũ, tiquiuro tinigũ ihñana yũhũ nidi potota ijigũ duita masinata mũsa. ¹⁰Yũhũ masũ Cohãcjũ ohorigũ ahri yehparũre masa tiquina ñañe yerire cohã masiaja yũhũ. Yũhũ sa cohãrere mũsa masiatio saha ohõ saha tiquiuro wahagũ yeitja, niahye Jesu judio masare buheyequinare.



(San Marcos 2.4)

Sa ni tuhasa tini masieniquirore ohō saha niahye:

¹¹—Mũhũre niita niaja. Wahcādũcaya. Mũhũ cuñari cahserore ne cãhña mũhũ ya wũhũpũ, niahye Jesu tiquirore.

¹²Tiquiro sa nigũta tini masieniquiro wahcādũca sa, tiquiro cuñari cahserore ne, ijipihtiyequina tiquina ihñono wijiaa wahahye. Tiquiro sa yegũ ihñañe tiquina ijipihtiyequina ihña acuaa wahahye. “Cohãcjũ tutuariquiro ijire. Ne mari ohō saha yegũre ihñeda tii”, niahye tiquina basi.

Jesu Levíre “Yũhũ mehna cjũ ijiajũ ahtaya”, niahye

(Mt 9.9-13; Lc 5.27-32)

¹³Sa ye pari turi Jesu ditara dũhtũ cahapũ wahahye. Sa yero masa peyequina tiquiro cahapũ tiquina cahmecoagũ ihñano tiquiro buheahye tiquinare. ¹⁴Sa ye tuhasa topũ ijiriquiro waharo Levíre Alfeo macũnore tiquiro dahrari tucũpũ boca sahye. Apequina mehna pũhtoa ye ijiatire wapa ne cohteyequina ijiahye Leví gũhũ. Tiquirore boca saro ohō saha niahye:

—Yũhũ mehna cjũ ijiajũ ahtaya mũhũ, niahye Jesu Levíre.

Tiquiro sa nigũ Leví pehe wahcādũca sa, Jesu mehna wahahye.

¹⁵Jesu mehna wahayequina peyequina ijiahye. Sa yero Leví ya wũhũpũ mesa cahapũ peyequina wapa ne cohteyequina mehna, “Ñano yeyequina”, tiquina niñequina mehna tiquiro buheyequina mehna dujiahye Jesu. ¹⁶Topũ tiquina dujiri bato apequina usã judio masare buheyequina, fariseo masa mehna Jesu tiquiro ihyagũ ihñahye tiquina. Sa ihñañe ohō saha niahye:

—¿Dũhsero ñano yeyequina, wapa ne cohteyequina mehna ihyajari Jesu? ni sinituahye judio masare buheyequina Jesu buheyequinare.

¹⁷Tiquina sa nigũ tũhoro queoye mehna yũhtiahye Jesu:

—Dohatiyequina duturure macaedare. Dohatiyequina dihita duturure macare. Ñañequina dohatiyequina yero saha ijire. Sa yegũ ñañequina dihitaré tiquina ñañe yerire bũjũa witi duti, quehnoañe pehere tiquinare comesagũ yegũ tagũ nii yũhũ. Tiquina basi “Quehnoana ijiaja usã”, ni tũhotuyequinare yedohogũ tagũ niedũ yũhũ, niahye tiquiro tiquinare.

Sijiyere Jesure sinituahye apequina

(Mt 9.14-17; Lc 5.33-39)

¹⁸Ti pjere Ñu buheyequina, fariseo masa gũhũ Cohãcjũre ño peoye tehe, sijie tiahye. Sa ye masa Jesure sinituahye:

—Ñu buheyequina, fariseo masa buheyequina gũhũ Cohãcjũre ño peoye tehe sijire. ¿Dũhse ye mũhũ buheyequina sijierajari? niahye tiquina Jesure.

¹⁹Jesu tiquiro tũhotuyé mehna queoye mehna buhero tiquinare ohō saha ni yũhtiahye:

—Ohō saha ijire ti: Omoca dũhteriquiro bose deco ijigũ tiquiro mehna cjẽna bũjũa witiro mehna ijierare. Sa ye sijiyequina ijierare. Sata yũhũ buheyequina gũhũ yũhũ mehna ijiye, siji masiedare. ²⁰Yũhũ Pacũ Cohãcjũ

yũhũre tiqũiro neari bato pũritare pari turi yũhũ buheyequina mehna ijisi yũhũ. Sa ye ti pjerũ yũhũ buheyequina gũhũ sijieta, niahye Jesu.

²¹Panopũ cjẽ buheye mehna tiquina buhe more duagũ ihũano ohõ saha ni nemoahye Jesu tiquinare queoye mehna buhero.

—Ne wahma cahsero suhtiro cahsero mehna mũnano suhtirore sere ohõno cahmedare. Sa yegũ wahma cahsero mari coseri bato mũnano suhtirore weje cahmecoa, paji yũhdũaro tũhnũgũ yere. (Sata mũna buheye wahma buheye mehna piti dahre buheraro cahmene.) ²²Sa yena ne uhsẽ co bisiye core wahiũiro cahsero ajuropũre mũna ajuropũre pose yeraro cahmene. Sa yegũ uhsẽ co bisiye pahmuũerũ mũna ajurore tũhnũ dijaa wahare. Ti ajuro tũhnũgũ uhsẽ co gũhũ ajuro gũhũ cohãa wahare. Sa yena uhsẽ co wahma core wahma ajuropũ pose yero cahmene. (Sata wahma buheye mũna buheye mehna buhe moredaro cahmene,) ni buheahye Jesu tiquinare.

Saurũ ijigũ Jesu buheyequina trigo parorire peheahye

(Mt 12.1-8; Lc 6.1-5)

²³Ape deco saurũ ijigũ Jesu gũhũ trigo weserũ wahahye. Tiquiro buheyequina pehe trigo parorire pehe yũhdũ cãhye. ²⁴Tiquina sa yegũ ihũañe ohõ saha ni tuhtiahye fariseo masa Jesure:

—Tũhorĩna usãre. ¿Dũhse ye mũhũ buheyequina saurũ mari sori deco ijiepegũta dahrajari? Mari dutiyere yũhdũdũcaye nine, niahye tiquina Jesure.

²⁵⁻²⁶Tiquina sa nigũ tũhorõ Jesu tiquinare yũhtiahye. “Yũhũ buheyequina yũhdũdũcaye niedare”, nino taro ohõ saha niahye:

—Davi mũnano tiqũiro mehna cjẽna mehna ujuã ahbaro, Cohãcjũ wũhũrũ sajã, Cohãcjũ ye pãre ihyahye. Sa yero tiqũiro mehna cjẽna gũhũre ti pãre ohoahye. Ti pãre pahia dihita ihyae tiahye. Cohãcjũ dutiye tiquina ojoari pũ apeqũnare ti pãre ihya dutierare. Ti pjere Abiatar wame tiriũiro pahia pũhtoro ijiahye. ¿Davi gũhũ tire tiquina yerire Cohãcjũ yere tiquina ojoari pũre buherari mũsa? (Ti pãre ihyaro Cohãcjũre yũhdũdũcaro niedahye. Miare ahri pjerire ihyaye yũhũ buheyequina gũhũ Cohãcjũre yũhdũdũcaye niedare,) niahye Jesu tiquinare.

²⁷Sa ni tuhasa ohõ saha ni nemoahye:

—Sa yero Cohãcjũ saurũ decore tiquina sori deco cũno, masa ya deco cũno nidi dahra wahyariquinare so dutiro. Ti deco cahacjẽna ijiatire cũno niedari masare. ²⁸Sa yegũ yũhũ masũ Cohãcjũ ohorigũ ahri deco saurũ decore masa tiquina yeatire yahugũ ijigũ pũhto ijiaja, niahye Jesu tiquinare.

Omoca bũhariũiro qũiti ijire

(Mt 12.9-14; Lc 6.6-11)

3 ¹Sa ye Jesu usã judio masa buheri wũhũrũ esaro, sajãhye tja. Sa yero omoca bũhariũiro gũhũ topũ ijiahye. Sa ye ti wũhũrũ ijieyequina Jesu dihitare ihũadoque ohõahye. ²Saurũ ijigũ Jesu omoca bũhariũirore tiqũiro yũhdũogũ ihũa duahe tiquina. Tiquiro sa yegũ ihũañe tiqũirore

yahusã duahye. “Mari sori decore Jesu dahraro nine”, ni yahusã duahye tiquina. ³Sa yero ohõ saha niahye Jesu omoca bũhariquirore:

—Wahcãdũca saya. Ohõpũ ahtaya, niahye.

Sa ni tuhasa ti wũhũpũ ijyequinare yahuahye:

⁴—¿Saurũ ijigũ quehnoañene yegũ quehnoaedajari? ¿O ñañe yegũ pehere quehnoajari, mũa tũhotugũ? Saurũ ijigũ masũnore masogũ quehnoarĩne. Masũnore wejẽgũ pehere quehnoaedare, ni yahuahye Jesu tiquinare.

Tiquiro sa niepegũta tiquina pehe ne yũhtierahye. ⁵Tiquina sa yũhtieragũ ihñano Jesu tiquina mehna usuahye. Tiquina tũho dueragũ ihñano Jesu bũjũa witiyahye.

—Mũhũ omocare siõ potoya, niahye tiquiro omoca bũhariquirore.

Tiquiro sa nigũ tũhoro tiquiro omocare siõ potoahye. Tiquiro siõ potogũta omoca quehnoa wahahye. ⁶Sa omoca quehnoa wahagũ ihñañe fariseo masa wijiaa wahahye. Wijia, Herode mehna cjẽna mehna cahmecoa, “¿Dũhse ye Jesure wejẽnatari mari?” niahye tiquina basi.

Masa peyequina ditara dũhtũ cahapũ ijyahye

⁷⁻⁸Sa ye Jesu tiquiro buheyequina mehna ditara cahapũ wahahye. Tiquina sa wahagũ ihñañe Galilea cjẽna masa peyequina tiquiro bato esahye. Sa ye Judea yehpa cjẽna, Jerusalẽ cjẽna, Idumea yehpa cjẽna, Jordã wame tiri ma ape sie pahrẽ cjẽna, Tiro wame tiri maca cjẽna, to cahapũ ijyequina, Sidõ wame tiri maca cjẽna, to cahapũ ijyequina mehna masa peyequina ijipilhtyequina tiquiro yerire tũhoye, tiquiro cahapũ esahye. ⁹Sa ye masa peyequina ijye, Jesu cahare bihsa dũca sahye. Sa yero Jesu yucũsare quehno pahsa dutiahye tiquiro buheyequinare. ¹⁰Peyequina dohatyequinare tiquiro yũhdũogũ ihñañe apequina dohatyequina gũhũ Jesure piha duaye, bihsa dũca sahye. ¹¹Sa ye watĩare cũoyequina pehe Jesure ihñañe tiquiro cahapũ dũsepe curi mehna quehe sahye.

—Mũhũ Cohãcjũ macũ ijye, ni sañuducuahye tiquina tiquirore.

¹²Sa yero tiquinare Cohãcjũ macũno tiquiro ijyere tutuaro mehna apequinare yahu dutierahye Jesu.

Jesu tiquiro buheyequinare doce tiquiro ohoatiquinare bese docoahye (Mt 10.1-4; Lc 6.12-16)

¹³Sa ye Jesu cũnũpũ mũja, tiquiro cahmeñequinare pijyahye. Tiquiro pijigũ tũhoye, tiquiro cahapũ esahye tiquina. ¹⁴Sa yero doce mũmũare tiquiro mehna cjẽnare, tiquiro ohoatiquinare, apeye macaripũre tiquiro yere buheatiquinare bese docoahye Jesu. Sa ye tiquina ya curua Jesu cũriquina wame tiahye. ¹⁵Sa yero dohatyequinare yũhdũoatire, watĩare cohãti gũhũre cũahye tiquinare. ¹⁶⁻¹⁹Ahriquina ijyahye doce mũmũa Jesu tiquiro bese docoriquina: Simo, Santiago Zebedeo macũno, Ñũ Santiago bahũro, Andre, Felipe, Bartolomẽ, Mateo, Tomasu, Santiago Alfeo macũno, Tadeo, Simo celote ya curua cjũno ijimediquire,

Juda Iscariote, ahriquina ijiahye tiqiro bese docoriquina. Jesu Simore Pedro wame yeahye. Santiagore, Ñu mehna Boanerges wame yeahye. Boanerges “Ûpo cjëna”, nino nine. Juda Iscariote Jesure ihña tuhtiyequinare ihñoatiquiro ijiahye.

—Jesu watīno tutuayere cuore, ni yahusāhye masa

(Mt 12.22-32; Lc 11.14-23; 12.10)

²⁰Tiquinare bese doco tuhasa, dijia, Jesu tiqiro buheyequina mehna wuhup̄ sajāa wahahye. Sa ye top̄ pari turi masa peyequina cahmecoñe, bihsaa wahahye. Tiquina sa bihsagũ ihñano Jesu ihya masiedahye. Sa ye tiqiro buheyequina gũhũ ihya masiedahye. ²¹Sa ye apequina Jesu acaye tire tuhoye tiqiro cahap̄ esaye, tiqirore ñehemahye. “Tiqiro tũho masieniquiro waharo nine”, nimahye tiquina.

²²Apequina ohõ saha nimahye:

—Beelzebú tiqirore sa wahagũ yero niaga. Tiquiro watīare cohāno, Beelzebú watīa puhtoro tutuaye mehna tiquinare cohāre, nimahye Jerusalēp̄ ahtariquina usā judio masare buheyequina.

²³Tiquina sa nigũ tuhoro Jesu pehe tiquinare piji, tiqiro tuhotuye mehna queoye mehna yahuahye tiquinare, “Watīno ye tutuaye mehna watīare cohāgũ niedaja”, nino taro.

²⁴—Watīa tiquina basi cohā masiedare. Sa ye ihcā yehpa cjëna tiquina basi cahme wejē, ti yehpa cjëna yaria pihtia wahaboaga. ²⁵Sa ye ihcā wuhũ cjëna tiquina basi cahmequeñe ti wuhũ cjëna waha pihtia wahaboaga. ²⁶Sa yero Satana watīa puhtoro pehe watīare cohāno tiquina basita cahmequeñe niaboaga. Sa ye tiquina waha pihtia wahaboaga.

²⁷Ohõ sahata ijire mari queoye mehna buhegũ. Tutuariquiro ya wuhup̄ apequiro sajā sa yaque masiedare. Tutuariquirore dũhteraro tiqiro ya wuhup̄ sajā sa yaque masiedare. Tutuariquirore tiqiro dũhteri bato sajā sa yaque masine, ni yahuahye Jesu.

(Ohõ saha ni yahuahye watīnore tiqiro yũhdũdũcarire yahuro. Watīno tutuariquiro tiqiro ijiepegũta Jesu tiqirore yũhdũdũcare watīare cohāno.)

²⁸Sa ni tuhasa ohõ saha ni yahu nemoahye Jesu:

—Poto niita niaja musare. Ijipihtiyē ñañe masa tiquina yegũ tiquina yahuducugũ gũhũre Cohācjũ bo masine. ²⁹Sa boeperota Espiritu Santore tiquina ñano yahuducugũ ti pũritare ne bosì. Tiquina sa nidi buhiri sa buhiri tiducuyequina ijietta, niahye Jesu tiquinare.

³⁰Jesu Espiritu Santo tiqiro tutuaye mehna watīare tiqiro cohāpepegũta “Tiqiro watīno tutuaye mehna watīare cohāno nine”, nimahye masa. Tiquina sa nigũ tuhoro ti quitire Espiritu Santo quitire yahuahye Jesu tiquinare.

Jesu acaye tiquirore pijiahye

(Mt 12.46-50; Lc 8.19-21)

³¹Sa ye Jesu bahana tiquiro pacoro mehna wihiahye. Sa wihye sopecahap̄ ijiahye. Apequinare piji dutiahye tiquirore. ³²Sa ye masa tiquiro cahap̄ dujiyequina yahuahye tiquirore.

—M̄h̄h̄u paco, m̄h̄h̄u bahana mehna sopecahap̄ m̄h̄h̄u p̄jiri, niahye.

³³Tiquina sa niḡũ tuhoro oh̄o saha niahye Jesu tiquinare buhero taro:

—¿Noa ijiajari ȳh̄h̄u paco, ȳh̄h̄u bahana ḡh̄h̄u, m̄sa ih̄ñaḡũ? niahye tiquiro tiquinare buhero.

³⁴Sa nino tiquiro caha dujiyequinare ih̄ñano oh̄o saha niahye:

—Ahriquina ijire ȳh̄h̄u paco, ȳh̄h̄u bahana yero saha ijiyequina.

Coh̄ãcj̄ũ cahmeñene yere ahriquina. ³⁵Sa yeyequina ȳh̄h̄u bah̄u, ȳh̄h̄u baho, ȳh̄h̄u paco yero saha ijire, ni bueahye Jesu tiquinare.

Jesu oteriquiro quitire bueahye

(Mt 13.1-9; Lc 8.4-8)

4 ¹Sa ye pari turi ditara d̄h̄t̄u cahap̄ Jesu buhe d̄cahye. Sa ye top̄re buhe d̄caro masa peyequina tiquiro cahap̄ tiquina cahmecoaḡũ ih̄ñano Jesu pehe yuc̄sap̄ buhe pah̄sahye. Sa ye masa pehe ditara d̄h̄t̄u cahap̄ duc̄uahye.

²Sa yero Jesu peye tiquiro tuh̄otuyeh̄ mehna piti dah̄re yahuahye tiquinare buhero.

³—Ahri quitire tuh̄oya m̄sa, niahye tiquiro.

—Oteriquiro otero wahahye. ⁴Tiquiro sa oteḡũ apeye p̄jeri maha d̄h̄t̄u cahap̄ bora quehe sahye. Sa bora quehe saye p̄jerire minic̄j̄ua ahta, ih̄ya c̄ahye.

⁵Sa ye apeye p̄jeri ut̄ã p̄jeri watoa bora quehe sahye. Ut̄ã p̄jeri watoa dihta marieda c̄j̄ũno ijipeḡũ duita pih̄nimahye. ⁶Sa pih̄nidi ijiiperota, as̄ũ tutuaro asiḡũ nuh̄cori marieda, ñaia wahahye. ⁷Apeye p̄jeri taa watoa bora quehe sahye. Taa pehe dia yuh̄d̄ua waha, oteri pehere wej̄ẽ c̄ahye. Sa yero d̄ca mariedahye.

⁸Apeye p̄jeri quehnoari dihtare bora quehe sahye. Quehnoano pih̄niñe ijiro quehnoano d̄ca tiahye. Apeye c̄j̄ũ treinta p̄jeri, apeye c̄j̄ũ sesenta p̄jeri, apeye c̄j̄ũ cien p̄jeri d̄ca tiahye. ⁹Ah̄rire quehnoano tuh̄oya m̄sa, niahye Jesu.

Jesu q̄uiti mehna tiquiro buherire yahuahye

(Mt 13.10-17; Lc 8.9-10)

¹⁰Sa ye tiquina sehsaro ijiye doce buheyequina, apequina Jesu mehna ijiyequina ti quitire masi duaye, Jesure sinituahye. ¹¹Tiquina sa sinituri bato Jesu oh̄o saha ni yahuahye:

—Coh̄ãcj̄ũ masa puhtoro tiquiro ijiyere, panop̄u apequina tiquina masiedarire musare masiḡũ yere Coh̄ãcj̄ũ. Apequina pehere sa yerare tiquiro. Tiquinare q̄uiti mehnata buheitja. ¹²Sa ye tiquina ih̄ñaepeta ih̄ñedariquina yero saha tojoare. Sa ye tuh̄oepeta masisi. Tiquina masiñe quehnoañe pehere

comesaboaya. Tiquina sa comesagũ ihñano tiquina ñañe yerire boboya Cohãcjũ. (Sa ijiepegũta tiquina pehe ne tuho duerare,) niahye Jesu.

Jesu oteriquiro quitire yahu pehoahye

(Mt 13.18-23; Lc 8.11-15)

¹³Tiquiro sa nidi bato ohõ saha ni yahu nemoahye tiquinare:

—¿Ahri quitire tuhoena nijari msa? ¿Msa ahri quitire tuhoerana, duhse apeye quitire tuhonatari msa? niahye Jesu tiquinare.

Sa ni tuhasa ohõ saha ni yahu nemoahye tiquinare:

¹⁴—Oteriquiro tiquiro oteri pjeri quehnoañe buheye yero saha ijire. ¹⁵Sa yero maha duhtu caha bora quehe sari pjeri quehnoañe buheye yero saha ijire. Sa yero masa quehnoañe buheyere tiquina tuhogũ ihñano Satana pehe ahta, ti buheye quehnoañe buheyere masi dutierare tiquinare, minicjua ti pjerire tiquina dote nediro saha yero. ¹⁶Sa ye utã pjeri watoa bora quehe sari pjeri quehnoañe buheye yero saha ijire. Sa ye masa quehnoañe buheyere tuho, bucueye mehna duita tire tuho ñehe maa wahare. ¹⁷Sa tuho ñehepeta utã pjeri watoa ijie cju nuhcori marieñe cju yero saha ahriquina masa gũhu tutuerare. Sa tutueraye, ñano yuhduye, yeequina tiquina ijiri buhiri apequina tiquinare ñano yegũ ihñañe yee pehere duhu cãhre. Apequina tiquinare ñano yegũ tire ihcãno sahaeraye, yeere duhu cãhre. ¹⁸Sa ye taa watoa bora quehe sari pjeri quehnoañe buheye yero saha ijire. ¹⁹Sa ye masa quehnoañe buheyere tuhoepeta, ahri yehpa cjene pajiro bujua witi tuhotuye, niñeru pehere cahine. Apee boro gũhure peye tutuaro cahmene. Tiquina sa ni tuhotugũ ti pehe quehnoañe buheyere cahmotare. Ti sa cahmotagũ masa quehnoañe pehere yerare. ²⁰Sa ye quehnoari yehpapu bora quehe sari pjeri quehnoañe buheye yero saha ijire. Sa ye masa quehnoañe buheyere tuhoye tire cahmene. Sa masinequina ijie, Cohãcjũ tiquiro cahmeno sahata quehnoañene yere tiquina. Ihuẽquina meheno quehnoañene yere treinta pjeri duca tiro saha. Apequina bui cjũno quehnoañene yere sesenta pjeri duca tiro saha. Apequina pajiro quehnoañene yere cien pjeri duca tiro saha, ni yahuahye Jesu tiquinare.

Jesu sihãria quitire buheahye

(Lc 8.16-18)

²¹Sa ni tuhasa ohõ saha ni nemoahye:

—Ne sihãriare dihi sutu docapu cuedare. Sa ye tiare cumuno docapu cuedare. Uhmnanopu duhu peore quehnoano buhrio dutiye. ²²Ijipihtiye tiquina masiedarire came masa masieta. Sihãria buhriogũ mari ihña masino saha panopure tiquina masiedarire masieta masa. ²³Ahrire quehnoano tuhoya msa. ²⁴Mehenogã masi duana mehenogã masinata. Pajiro masi duana pajiro masinata. Sa yena msa tuhona quehnoano tuho nunña. ²⁵Quehnoano tuho nunriquiro quehnoano masinota. Tuho nunueniquiro, “Mehenogã tuhoaja”, tiquiro niepegũta ti pehe butia waharota, niahye Jesu tiquinare.

Jesu trigore oteriquiro quitire buheahye

²⁶Sa ni tuhasa ohō saha ni yahu nemoahye:

—Cohācjū masa pūhtoro tiquiro ijiye trigore oteriquiro yero saha ijire. ²⁷Ote tuhasa bohrearo tiquiro oteri pihniñene ihñare tiquiro. “¿Dūhse pihni wijia ta dūcajari?” ni ihña masiedare oteriquiro tiquiro basi. ²⁸Ti oteri ti basi dūca tire. Pari pūgā wijia mūhtare. Came pari paro wijia, būcūare. ²⁹Ti parori būcūa tuhasagū ihñano, pehere peheri pje ijigū. (Tiquiro ote, ti būcūarire tiquiro masiedaro saha Cohācjū yequina masa tiquina wahari gūhūre yahu peho masiedare masa,) ni buheahye Jesu.

Mostaza pje quitire yahuahye Jesu

(Mt 13.31-32; Lc 13.18-19)

³⁰Sa ni tuhasa ohō saha ni buhe nemoahye queoye mehna buhero:

—¿Ne Cohācjū masa pūhtoro tiquiro ijiye yabe boro yero saha ijiajari, masa tūhotugū? ¿Dise quitu mehna tire yahunatari? ³¹Mostaza pjegā yero saha ijire Cohācjū pūhtoro ijiye. Ti pjegā tiquiro otegūre meheni pjegā waro ijire. ³²Sa ijieperota ti pjegā quehnoano pihnine. Sa yero pajidū wahare. Sa ye tū dūpūri būjūye dūpūri būcūagū ihñañe minicjūa ti dūpūripū suhti suhare, niahye Jesu. (Sa nino ohō saha nino niahye. Mostaza pjegā pajidū tū būcūariro saha ūhmūse cjūnore mari pūhtorore masiñequina meheñequinagā tiquina iji mūhtaepēgūta camepūre peyequina wahaeta.)

Quitu mehna tiquiro buherire yahuahye Jesu

(Mt 13.34-35)

³³Sa yero ti quitu tiquiro nidiro saha peye quitire tiquina tūho ñeheno puno quehnoañe buheyere buheahye tiquinare. ³⁴Quitu marieno yahuerahye tiquinare. Sa yero tiquina sehsaro ijiyequinare Jesu quehnoano yahu pehoahye tiquiro buheyequinare.

Jesu wihnonore yusū dutiahye

(Mt 8.23-27; Lc 8.22-25)

³⁵Sa ye ti decore ñamicahapū Jesu tiquiro buheyequinare ohō saha niahye: —Isa, si pahrēpū pehāuhna, niahye tiquinare.

³⁶Tiquiro sa nigū tūhoye yucūsapū sajā, masare yehpapū ducuyequinare tota cū, tiquiro buheyequina dihita Jesure ne pehā wahahye. Sa ye apeye yucūsari mehna apequina tiquina bato pehāhye. ³⁷Tiquina sa pehāgū wihnono tutuaro wēahye. Sa wēno yucū sare tutuaro pahcōri quē sajāhye. Mehenogā dūhsamahye tiquina miniboriro. ³⁸Sa wahari watoa Jesu yucūsa ohoturopū suhti puti buipū carīno niahye. Sa ye tiquina tiquirore wahcōahye. —¿Buhegū, mūhū cuerajari? Mari minina tana niájú, niahye tiquina tiquirore.

³⁹Tiquina sa nigūta Jesu pehe wahcā, wihnonore,

—To punota wẽ duhuya, niahye.

Sa ninota pahcõri gũhure,

—Yũsũahya, niahye.

Tiquiro sa nigũta wihnono yũhdũa wahahye. Sa ye pahcõri gũhũ yũsu dijiaa wahahye.

⁴⁰—¿Dũhse yena cue maca cãna nijari mũsa? ¿Mũsa yũhũre wacũ tutuerajari? niahye Jesu.

⁴¹Sa wahagũ ihũñañe acua yũhdũa wahahye.

—¿Yohou, dũhse ijiriquiro boro masũno ijijari ahriquiro? Ahri wihnono, pahcõri gũhũ tiquiro dutigũ yũhdũdũcaerare tiquirore, niahye tiquina pehe.

Watĩare cõriquirore yũhdũoahye Jesu

(Mt 8.28-34; Lc 8.26-39)

5 ¹⁻²Sa ye tiquina si pahrẽpũ Gerasa cjẽna ya yehpapũ pehã sahye. Sa yero Jesu pehe yucũsapũ sañariquiro maja sadũcahye. Tiquiro sa maja sadũcari bato watĩa cõriquiro masa coperi utã coperi watoapũ ijiriquiro wijia ta, tiquiro cahapũ ahtahye. ³Watĩa cõriquiro masa coperi watoa ijiriquiro ijiahye. Apequina pehe tiquirore come da pajiri da mehna ñehe dũhte masiedahye. ⁴Sa ye peye tahari masa tiquirore dahpocãri apõñe behtori mehna, come dari mehna dũhtemahye. Tiquiro omocari gũhũre dũhtemahye. Sa yero tiquiro pehe come darire nuha, dahpocãri apõñe behtori gũhũre nuha site mũjahye. Sa ye tutuariquiro tiquiro ijiro mehna masa pehe tiquirore ñehe masiedahye. ⁵Ñami ijigũ, deco ijigũ utã coperi watoapũ cũnũpũ sa sañuducue tiahye tiquiro. Sa yero utã mehna tiquiro basi tiquiro pagure quẽe tiahye. ⁶Sa yero yoaropũ Jesure ihũnadoqueo tiquiro cahapũ oma maa cãhta, dũsepe curi mehna quehe sahye tiquirore ño peoro taro.

⁷⁻⁸—Watĩa duhuya tiquirore, niahye Jesu.

Tiquiro sa nigũ tũhoro watĩa cõriquiro ohõ saha niahye:

—¿Jesu, Cohãcjũ tutuariquiro macũ, yabere yegũ tũũ nijari mũhũ yũhũre? Cohãcjũ tiquiro ihũnonopũ siniaja yũhũ mũhũre. Yũhũre ñano yeracãhña, ni sañuducuahye watĩa cõriquiro Jesure.

⁹—¿Dũhse wame tiajari mũhũ? niahye Jesu tiquirore.

—Usã peyequina ijiaja. Sa yena “Peyequina watĩa” wame tiaja. ¹⁰Usã ahri dihtapũ ijinare ape siepũ waha dutieracãhña, niahye watĩa cõriquiro.

¹¹Ti pjere yesea peyequina tiquina cahapũ cũnũ dahpotopũ ihyaye niahye. ¹²Topũ tiquina ihyaducugũ ihũñañe, ohõ saha ni siniahye watĩa:

—Sisequina yesea cahapũ waha dutiya usãre. Tiquina mehna iji dutiya usãre, ni siniahye watĩa tiquirore.

¹³Tiquina sa nigũ tũhoro tiquinare waha dutiahye Jesu. Tiquiro sa waha dutigũ watĩa masũno mehna ijiriquina waha, yesea dos mil yesea cahapũ esahye. Tiquina cahapũ tiquina esari bato yesea pehe ijipihtiequina ditara dũhtũ cahapũ oma buha, ti ditarapũ bora ñojoa, mini yaria pihitia wahahye.

¹⁴Tiquina sa minigū ihñañe, yeseare cohteyequina pajiri macapū, daye macarigāpū gūhure tire yahuye waha, oma cāa wahahye. Tiquina sa yahugū tūhoye masa pehe peyequina tiquiro yerire ihñañe wahahye. ¹⁵Sa ye Jesu cahapū wihiye, watīa cūoriqiro tiquiro suhti tiriqiro, tūho masiniquiro tiquiro dujigū ihñañe, ihña maria waha, cueahye. ¹⁶Sa ye watīa cūomediquiro, yesea gūhure tiquina sa waharire ihñariquina apequinare yahu pehoahye. ¹⁷Tiquina sa yahu pehogū tūhoye, Jesure tutuaro mehna ape siepū waha dutiahye.

¹⁸Sa yero yucūsapū Jesu tiquiro sajāgū ihñano, “Mūhū mehna waha duaja”, ni tutuaro sinimahye watīare cūomediquiro Jesure. ¹⁹Tiquiro sa nigū Jesu tiquirore yahuahye:

—Yūhū mehna wahaeracāhña. Mūhū ya wūhūpū mūhū caha ijiyequina cahapū yūhū mūhū pūhto mūhūre yūhū yerire yahugū wahaya. Mūhūre yūhū paja ihñarire yahugū wahaya tiquinare, niahye tiquirore.

²⁰Tiquiro sa nigū watīa cūomediquiro pehe Decapoli wame tiri macapū Jesu tiquirore yūhdūorire yahu dūcahye. Tiquiro sa ni yahugū tūhoye ijiptiyequina masa tūho maria wahahye.

**Jairo maconore yūhdūoro, dii mūna wihoro dohatiducuricoro
gūhure yūhdūoahye Jesu
(Mt 9.18-26; Lc 8.40-56)**

²¹Sa ye pari turi Jesu tiquiro majare pehā sagū masa peyequina tiquiro cahapū ditara dūhtū cahapū cahmecoahye. ²²Sa yero ūsā judio masa buheri wūhūre ihña ihboriquiro Jairo wame tiriqiro ahta, Jesure ihña, tiquiro dahpocāri cahapū dūsepe curi mehna quehe saro, ohō saha niahye:

²³—Yūhū macogā yariaro nidi. Sa yegū ticorore mūhū omoca mehna ña peogū, yūhdūogu ahtaya. Mūhū sa yegū ticoro masanota, niahye tiquiro Jesure.

²⁴Tiquiro sa nigū Jesu gūhū pehe tiquiro mehna wahahye. Mahapū tiquiro wahagū masa peyequina tiquirore nūnū tā cā bihsaro esadūca sahye. ²⁵Sa yero numino doce cūhmari waro decoripe dii mūna dohatiducuricoro topū ijiahye. To pano peyequina duturuā ticorore ñano yūhdūgū yeahye. ²⁶Sa yero duturuare ijiptiye ticoro niñeru mehna wapa yemahye ticoro aco ye dutiro. Tiquina sa yepegūta ticoro mūnanota ijiducu cāhye. Sa yero ticoro tiquinare ihñari bato to pano ijiriro yūhdūoro ñano wahahye. ²⁷Ticoro sa ñano yūhdūari bato Jesu yeyere tūhoye, apequina yahuahye ticorore. Sa yero ticoro Jesu bato masa peyequina watoa ahta, Jesu suhtirore ñehe tuhuahye. ²⁸“Yūhū tiquiro suhtiro dihitare ñehe tuhugo quehnoa wahagota”, ni tūhotuahye. ²⁹Sa yero ticoro sa ñehe tuhuri bato ticoro dii mūna dohatiyere yūhdūgū ticoro pagūre quehnoari pagū tūhotuahye. ³⁰Sa yero Jesu tiquiro tutuayē mehna dohatiyere tiquiro cohārire masino, masa watoa majaredūca sa ihñahye.

—¿Noa yūhū suhtirore ñehe tuhuajari? niahye tiquiro.

³¹Tiquiro sa nigū tūhoye tiquiro buheyequina ohō saha niahye:

—Bihsarĩne. Sa ye masa peyequina mũhũre pihare. “¿Noa yũhũre ñehe tuhuajari?” nigũ, ¿dũhse nigũ sa nijari mũhũ? niahye tiquina pehe tiquiore.

³²Sa yero Jesu tiquiore ñehe tuhuricorore macahye. ³³Tiquiro sa macano watoa ticoro pehe ticoro pagũ quehnoa wahagũ tũhoturo, cue nanare dũsepe curi mehna quehe sahye tiquiore caha tiquiore ño peoro. ³⁴Sa yero ticoro potota yahu pehoahye tiquiore. Ticoro sa ni yahuri bato Jesu ticorore yahuahye:

—Maco, yũhũre mũhũ wacũ tutuaye mehna quehnoago tojoare vojopũre. Bucueye mehna wahaya. Dohatiye mariego ijiya, niahye Jesu ticorore.

³⁵Tiquiro sa ni yahuducuri bato judio masare buheri wũhũre ihña ihboriquiro ya wũhũ cjẽna yahuye wihahye.

—Mũhũ maco yaria wahari. Sa yegũ buheriquirore piji cãhteracãhña, niahye tiquina.

³⁶Tiquina sa niepegũta sa tũhotu cãhno, Jesu ti wũhũre ihña ihboriquirore ohõ saha ni yahuahye:

—Bũjũa witiyacãhña. Yũhũre wacũ tutuaya. Ti dihitare yeya, niahye ti wũhũre ihña ihboriquirore.

³⁷Sa ni tuhasa Santiago, tiquiro bahũro Ñu, Pedro tiquina dihitare “Yũhũ mehna ahtaya”, niahye Jesu. ³⁸Sa yero judio masa buheri wũhũre ihña ihboriquiro ya wũhũrũ esahye. Ti wũhũrũ masa peyequina ñano bisĩ ñehe quea utigũ, tiquina sañuducugũ tũhoahye Jesu.

³⁹—Ñano ni, ñehe quea utieracãhña mũsa. Ticorogã mũsa sa ni utigũ yarierare. Carĩno nine, niahye Jesu tiquinare.

⁴⁰Tiquiro sa nigũ tũhoye “Sa ni maca cãhno nine ahriquiore”, ni bũjũahye tiquina pehe tiquiore.

Sa yero tiquiro tiquinare sopecahapũ wio peho cãhye. Sa wio tuhasaro ticorogã pacusũmũare, tiquiro mehna cjẽna gũhũre ticorogã cahapũ neahye Jesu. ⁴¹Sa yero Jesu ticoro omocare ñehe, “Talita cum”, niahye tiquiro. “Talita cum”, nino, “ ‘Mehenicorogã wahcãña’, ni aja yũhũ”, nino nine.

⁴²Tiquiro sa nigũ ticorogã wahcãduca sa, tiniahye. Doce cũhmari cũoricoro ijiahye ticoro. Ticorore tiquiro sa yegũ ihñañe tiquina ihña maria wahahye. ⁴³Sa yero Jesu tutuaro mehna tiquiro sa yerire yahu site dutierahye. Sa ye tuhasa ticorore ihyayere oho dutiahye.

Nazare cjẽna Jesure cahmedahye

(Mt 13.53-58; Lc 4.16-30)

6 ¹Sa ye topũ ijiriquiro Jesu waha, tiquiro buheyequina mehna tiquiro ya dihtapũ tojoa sahye. ²Sa yero Jesu saurũ ijigũ judio masa buheri wũhũrũ buhe dũcahye. Tiquiro sa buhegũ masa peyequina tiquiore tũhoye, acũa wahahye.

—¿Ahriquiore nohopũ tũhoyari ahri buheyere? ¿Dũhse yero quehnoano masi pehoajari ahriquiore? Cohãcjũ tutuaye mehna ye ihñore ahriquiore masare. ³Ahriquiore taboa dahrari masũno María macũno, Santiago, José,

Juda, Simo tiquina wahminota ijmedero. Sa ye tiquiro bahana numia mari ya macarḡ ijinimedi. Sa yero tiquiro gũhu mari yero saha ijiriquiro ijire, niahye tiquina Jesure tũhoriquina.

Sa ye Jesure ihña tuhtiye, tiquirore cahmedahye. ⁴Tiquina sa cahmedagũ ihñano ohõ saha niahye Jesu:

—Cohãcjũ yere yahu mũhtariquirore apequina ño peore. Tiquina sa ño peoepegũta tiquiro ya maca cjẽna, tiquiro acaye tiquiro ya wũhũpũ ijijequinata ño peerare tiquirore. Sa yena yũhũre ño peerare mũsa ohõre bũcuarigũ yũhũ ijigũ, niahye Jesu tiquinare.

⁵Sa yero ti macarḡ ijiriquiro Jesu Cohãcjũ tutuaye mehna ye ihño masiedahye. Sa ye ihñoedaperota ihquẽquina dohatiyequina bui tiquiro omocare duhu peo, yũhdũoahye tiquiro. ⁶Sa yero to cjẽna Jesure tiquina wacũ tutueragũ ihñano, “¿Dũhse ijiro boro yũhũre cahmedajari?” ni tũhotuahye tiquiro. Sa yero Jesu ti maca caharḡ ijije macaripũ buhero wahahye.

Jesu doce buheyequinare buhe dutiro ohoahye

(Mt 10.5-15; Lc 9.1-6)

⁷Sa ye Jesu doce tiquiro buheyequinare pijio, pũeyequina dihita ohoahye tiquinare macaripũre buhe dutiro. Sa yero tiquiro tutuayere ohoahye tiquinare watiare tiquina cohãtire. ⁸Sa ohoro apee boro, ihyayere, ajurire, niñerure tiquiro ne cã dutierahye tiquinare. Tiquina tuaye cjũ dihitaro ne cã dutiahye tiquinare. Ihcãnota suhtirore saña dutiahye tiquinare. Pũaro saña dutierahye. ⁹Sa yero cũhta cũñe cahserire saña dutiahye tiquinare. Ihcã suhtirota saña dutiahye tiquinare. Pũaro saña dutierahye. ¹⁰Sa yero ohõ saha ni yahuahye tiquinare:

—Ijipihtiye macaripũre mũsare tiquina carĩno ohogũ ti wũhũpũta tojoarĩña. Coã wahanarḡ wijiaya ti wũhũre. ¹¹Sa yena ape maca cjẽna mũsare tiquina cahmedagũ tiquina tũho dueragũ ti macare yũhdũana dahpocãri cjẽ dihta esa wahãrre wejẽ site cũña mũsa tiquinare tiquina ye buhirire masigũ yena, ni yahuahye Jesu tiquinare.

¹²Sa ye doce buheyequina masare tiquina ñañe yerire bũjũa witi dutiye, quehnoañe pehere ye dutiye, buheye wahahye. ¹³Sa wahaye peyequina watiare cohãñe, dohatiyequinare uñse mehna wisõñe yũhdũgũ yeahye.

Ñu wame yeriquirore apequina wejẽahye

(Mt 14.1-12; Lc 9.7-9)

¹⁴Sa ye Jesure masa peyequina masiahye. Sa yero tiquiro yerire pũhtoro Herode tũhooahye. Sa tũhoooro ohõ saha ni tũhotumahye tiquiro: “Ñu wame yeriquiro yariariquiro pari turi bajuaro niaga. Sa bajuariquiro ijiro tiquiro tutuaye mehna tire yero niaga”, ni tũhotumahye Herode. “Jesu Ñuta ijire”, ni tũhotumahye. ¹⁵Apequina pehe ohõ saha ni tũhotumahye: “Elia ijire”, ni tũhotumahye. Apequina pehe “Cohãcjũ yere yahu mũhtariquiro panopũ cjẽna yero saha ijire tiquiro”, ni tũhotumahye tiquina Jesure. ¹⁶Tiquina sa ni

tahotuepegūta Herode pehe Jesu tiquiro yerire tūhoro ohō saha ni tahotumahye. “Ñu yūhū dapu dute sure dutiriquiro bajuaro niaga”, ni tahotumahye.

¹⁷⁻¹⁸Ñure tiquina wejēato pano Herode tiquirore ñehe duti, peresu ye dutiahye. Herode tiquiro bahūro Felipe namonore Herodia wame tiricorore ehma, namo tiahye.

—Mūhū bahū namonore namo tigu Cohācjū dutiyere yūhdūdūcagu nine mūhū, ni yahuahye Ñu Herodere.

Tiquiro sa nidi buhiri Herode namono Herodia Ñure peresu tiquina yegū cahmeahye. ¹⁹Sa yero ticoro pehe Ñure ihña tuhtiro, tiquirore wejē duti duamahye. Sa ye dueperota ticoro tiquirore wejē duti masiedahye.

²⁰Herode Ñure cuero “Ñu quehnoañene yeriquiro, quehnoariquiro ijire”, ni tahotuahye. Sa yero Herodere cariboro yeahye Ñu pehe tiquirore yahuro. Sa cariboepegūta tiquiro bucueye mehna tūhomahye Ñure.

²¹Tiquiro sa bucueye mehna tūhoepegūta Herodia tiquirore ticoro wejē dutiati deco ūmū sahye. Ti pje Herode masa bajuari deco ijigū tiquiro bose deco dahreahye. Sa ye tiquiro yequina gobierno cjēna, surara pūhtoā, Galilea cjēna pūhtoā gūhū tiquiro ya bose decore ihñañe wihiahye. ²²Sa yero Herodia macono bose decore ihñano wihiro tiquina ihñonopū basa ihñoahe. Ticoro sa basa ihñogū ihñañe, Herode tiquiro pijioriquina gūhū bucueahye. Tiquina sa bucuegū ihñano ohō saha niahye Herode:

—Mūhū cahmeñene siniña yūhūre. Sa yegū ohogūtja mūhūre mūhū cahmeñene. ²³Cohācjū mehna poto niaja mūhūre. Mūhū sinino puno yeere deco mehna ohogūtja mūhūre, niahye tiquiro ticorore.

²⁴Tiquiro sa nigū ticoro Herodia macono pehe ticoro pacoro caharū waha, sinituahye:

—¿Yabere sinigotari yūhū? ni sinituahye ticoro pacorore.

—Ñu wame yeriquiro dapure siniña, niahye ticoro pacoro pehe.

²⁵Ticoro sa nigūta Herodia macono ūmūñano pūhtoro Herode caharū waha, siniahye:

—Mianogāta Ñu wame yeriquiro dapure waparo mehna ohoya yūhūre, niahye ticoro.

²⁶Ticoro sa nigū tūhoro pūhtoro Herode pehe tutuaro bujūa witiahye. Masa tiquina ihñonopū “Ohogūtja mūhūre”, niahye tiquiro. Sa yero bue tiro, tiquiro “Mūhūre ohoeraja”, ni masiedahye ticorore. ²⁷Sa yero duita surarare peresupū ijyeyequinare cohteriquirore Ñu dapure dute sure ne cāhta dutiahye. ²⁸Tiquiro sa dutigū tūhoro surara pehe waha, tiquiro dapure dute sure, waparo mehna ne cāhtahye. Ne cāhta nuhminore Herodia maconore ohoahye. Sa yero ticoro tiquiro dapure ñehe, ticoro pacorore oho yūhdūoahye.

²⁹Sa ye Ñu buheyequina ijiriquina pehe tire tūhoye, topū esa, tiquiro pagūre masa copere ne cā, cūahye.

Jesu cinco mil masare ihyaye ohoahye

(Mt 14.13-21; Lc 9.10-17; Jn 6.1-14)

³⁰Sa ye Jesu ohoriquina tiqiro cahapũ tojoa saye, tiquina yerire, tiquina buherire yahuahye tiqirore. ³¹Ti pjere masa peyequina sa majareducuye, tiquinare ne ihyaro ohoerahye. Sa yero ohõ saha niahye Jesu tiquinare.

—Masa marienopũ mari sehsaro sona wahauhna, niahye tiquinare.

³²Sa ye tiquina sehsaro yucũsa mehna masa marienopũ wahahye.

³³Tiquina sa wahagũ ihñañe masa peyequina tiquinare masiahye. Sa masiñe peye macari cjẽna mahapũ waha, Jesu tiqiro esatopũ tiquina masa pehe oma cã esa mũhtahye. ³⁴Tiquina sa esagũ Jesu tuha sa paha, yucũsapũ sañariquiro maja dũcaro, tiqiro masa peyequina ijigũ ihñahye. Oveja coheriquiro marieñequina yero saha ijiahye masa, tiqiro ihñagũ. Sa yero Jesu tiquinare paja ihñano, peye quehnoañe buheyere buheahye.

³⁵Ñamicahapũ doce buheyequina Jesu cahapũ esa, ohõ saha niahye:

—Ohõ masa marienopũ ijire. Ñamicaha waharo nine. ³⁶Ohõ cahagã ijije wũhũseripũ, macaripũ gũhũre tiquina ihyatire dú dutiya masare tiquina pohe tiatire, niahye tiquina Jesure.

³⁷—Ihyayere ohoya tiquinare, nimahye Jesu tiqiro buheyequinare.

Tiqiro sa nigũ ohõ saha ni yũhtiahye:

—¿Dos cientos niñeru cjoeri mehna tiquina ihyati pãre dúnatari ũsã? niahye tiquina Jesure.

³⁸—¿Nohope paca pã ijajari? Ihñana wahaya, niahye tiqiro.

Tiqiro sa nigũ tiquina pehe ihyayere bocaye, ohõ saha niahye:

—Ihcã omope paca pã paca, pũaro wahi ijire, niahye tiquina pehe.

³⁹Tiquina sa nigũ tũhoro Jesu pehe pe cururi taa bui duji dutiahye masare. ⁴⁰Tiqiro sa duji dutiri bato tiquina pe cururi dujiahye. Ihuqẽ cururire cincuenta masa ijiahye. Apeye cururi pehere cien masa ijiahye. ⁴¹Tiquina sa duji tuhasagũ ihñano Jesu pehe ihcã omope paca pã pacare, pũaro wahi mehna ne, uhmũsepu ihña mũoahye. Sa ihña mũono Cohãcjũre “Quehnoare”, nino niahye. Tiqiro sa nidi bato pã pacare nuha, tiqiro buheyequinare masare iti duti ohoahye. Sa yero pũaro wahire iti dutiahye ijipihtiequinare. ⁴²Sa ye ijipihtiequina ihya, yapi yũhdũa wahahye. ⁴³Tiquina ihya dũharire doce pũhũse waro pãre, wahi gũhũre ne cahmecoa wahpo dapoahye tiquina. ⁴⁴Sa ye pãre ihyariquina ũmũa dihitarẽ tiquina queogũ cinco mil ũmũa ijiahye.

Jesu aco bui tiniahye

(Mt 14.22-27; Jn 6.16-21)

⁴⁵Ti pjeta Jesu tiqiro buheyequinare yucũsapũ sajà duti, ape sie pahrẽpu Betsaidapũ tiqiro pano pehãyu dutiahye. Sa yero tiquina pehãri watoa Jesu pehe masare cohe tiahye. ⁴⁶Cohe ti tuhasa cũnũpu Cohãcjũre sinino wahahye. ⁴⁷Came ñamipũ yucũsa mehna ditarapũ tiquina pehãducugũ Jesu



(San Marcos 6.39)

ihcāquirola tiquina pehā tariropu ijiahye. ⁴⁸Sa yero tiquina ñano yuhdu wajagū, tiquina pano wihnono wēgū ihñadoqueoahye tiqiro. Sa yero bohrea mija tato pano tiquina cahapu esaro, aco bui tini cā wahahye. Tiquinare tiqiro yuhdu cā duamahye. ⁴⁹Tiqiro yuhdu cā duepegūta tiqirore aco bui ahtagū ihñañe, cue niahye. “Yariariquiro ijiboaga”, ni ihñamahye tiquina. Sa ni tūhotuye tiquina sañuducuahye. ⁵⁰Ijipihtiequina tiqirore ihñañe, ihña maria wahahye. Tiquina sa ihña mariagū ihñano Jesu tiquinare yahuahye:
—Wacū tutuaya musa. Ne, yuhure cueracāhña. Yuhuta ijiaja, niahye tiquinare.

⁵¹Sa ni tuhasa tiqiro tiquina mehna yucūsapu sajahye. Tiqiro sajarī batogāta wihnono yuhduā wahahye. Sa wahagū tiquina pehe acua yuhduā wahahye. ⁵²Tiqiro pāre peye yerire wacūedahye tiquina. Tire quehnoano masiedahye.

Jesu Genesare cjēnare, dohatiyequinare yuhduoahye

(Mt 14.34-36)

⁵³Sa ye tiquina pehā sa, Genesare dihtapu pehā sa, tiare dūhte poho, dūhtu cahapu pahsahye. ⁵⁴Sa ye yucūsapu ijiriquina tiquina majagūta masa pehe Jesure ihña masiahye. ⁵⁵Sa ihña masiñe ijipihtiro tiquina

ya yehparu oma maja, dohatiyequinare tiquina cuñañe cahseri mehna yo cãhtahye. “Jesu topu ijiri”, masa nigũ tuhoye topure esahye tiquina. ⁵⁶Sa ye ijipihtiye macari tiquiro esaye macaripu, bujuye macaripu, daye macarigãpu, meheñe wuhusegã ijiye cahapu gũhure masa dohatiyequinare Jesu cahapu nea cũahye. Sa topu maharipu tiquina cunopu Jesure tiquiro suhtiro dãhtu cahare ñehe tuhu duaye, tutuaro siniahye tiquina:

—Mũhu suhtiro dãhtu caha dihitare usãre ñehe tuhu dutiya, ni siniahye. Sa ye tiquiro suhtirore ñehe tuhuriquinape quehnoa wahahye tiquina.

Masa ñañequina wahagũ yeyere yahuahye Jesu

(Mt 15.1-20)

7 ¹Sa ye Jerusalẽpu ahtariquina usã acaye judio masare buheyequina, fariseo masa gũhu Jesu cahapu cahmecoahye. ²⁻⁴Fariseo masa ijipihtiyequina apequina judio masa mehna panopu cãena tiquina dutiriro saha tiquina omocarine omo coserape ihyera tiahye. Sa ye doeri cãe duayequina cahapu esayequina tiquina ye wuhusepu wihiye tiquina dutiriro saha tiquina omocarine omo coserape ihyera tiahye. Sa ye peye apeye dutiyere panopu cãena judio masa tiquina dutiyere yee tiahye. Sihniñe parire coseye, dihi suturire coseye, come suturire coseye, yee tiahye tiquina judio masa, “Cohãcjũ sa cahmene”, niñe. Sa ye Jesu cahapu cahmecoañe Jesu buheyequina judio masa tiquina dutiriro saha tiquina omo coseragũ ihñahye fariseo masa. ⁵Sa ihña tuhasaye Jesure sinituahye:

—Mũhu buheyequina ihyaye mari ñecusũmũa mũna tiquina dutiriro sahata tiquina omocarine omo coserare. ¿Dũhse yeye mari dutiyere yerajari? niahye tiquina Jesure.

⁶Tiquina sa nigũ tuhoro Jesu yahuahye tiquinare.

—Masa tiquina ihñono dihita quehnoano iji mehona ijire mũsa. Cohãcjũ yere yahu mũhtariquiro mũnano Isaia mũsare panopure potota yahue tiahye. Ohõ saha niahye:

Ahriquina masa yũhure quehnoano yahuducuepeta yũhure ne ño peerare. ⁷Sa ye yũhure tiquina ñu buheye dũhseati ijierare. “Cohãcjũ ye dutiye ijire ahri”, ni meho buhere tiquina buheye, ni ojoahye Isaia.

⁸Ti ijirota ijire. Panopu cãena ye dutiye pehere yena tana Cohãcjũ ye dutiyere yerare mũsa. ⁹Cohãcjũ ye dutiyere cohãna, mũsa acaye ye dutiye pehere yere mũsa. ¹⁰Ohõ saha yena Cohãcjũ ye pehere yũhdũducana nine mũsa. Panopure ohõ saha niahye Cohãcjũ tiquiro dutiyere Moiserere cũno: “Mũsa pacusũmũare ño peoya. Ihcãquiro tiquiro pacusũmũare ñano quiti dahreriquiro ijiro ti buhiri tiquina wejãtiquiro ijirota”, niahye Cohãcjũ Moiserere tiquiro cũri dutiye. ¹¹Tiquiro sa niepegũta ohõ saha ye dutire mũsa tiquina pacusũmũare yedoho dutierana: Tiquina pacusũmũare tiquina ohoborire Cohãcjũ pehere oho dutire mũsa. Sa ni buhemene mũsa. ¹²Sa buhena tiquina pacusũmũare ño peogũ yerare mũsa tiquinare. ¹³Sa yena Cohãcjũ dutiyere yũhdũducana nine mũsa

mari acaye panopu cĵena ye dutiye pehere yena. Apequinare musa ye buheye dihitare tuho dutire musa. Peye sa ijijere yere musa, niahye Jesu tiquinare.

¹⁴Sa ni tuhasaro apequinare pijioahye. Ohō saha niahye:

—Musa ijipihitina tuhoya yuhure. Yuhu niĵene quehnoano masiĵa musa. ¹⁵Musa duserire sajāne pehe musa ihyaye pehe musare ĵana ijigū yerare. Musa ĵaĵe yahuducuye pehe musa duseri wijiaye pehe musare ĵana ijigū yere. [¹⁶Yuhure quehnoano tuhoya,] niahye Jesu.

¹⁷Sa ni tuhasa Jesu masa cahapu ijiriquiro waha, wuhupu sajā wahahye. Sa sajā sagū ihĵaĵe tiquiro buheyequina pehe tiquiro buherire sinituahye. Tiquina sa sinitugū tuhoro ohō saha niahye tiquiro:

¹⁸—¿Ne tuho ĵehedajari musa? Musa duserire sajāne pehe musa ihyaye pehe musare ĵana ijigū yerare. ¹⁹Ti musa tuhotyepure sajāedare. Musa paapu sajā yuhdua wahare, niahye Jesu.

Sa nino “Ijipihitiye ihyaye quehnoaĵe ijire”, nino niahye. ²⁰Ohō saha ni nemoahye:

—Musa ĵaĵe yahuducuye pehe musa duseri wijiaye pehe musare ĵana ijigū yere. ²¹⁻²²Ĵano tuhotyeye, wuana tiye, numia mehna ĵano yeducuye, umu mehna ĵano yeducuye, masare wejĵe, yaqueye, apequiro yere tutuaro cahme yuhduye, ĵano yeye, ni mehoĵe, peye ĵaĵene yeducuye, apequiro yere coo ihĵa tuhtiye, ĵano quti dahreye, “Apequinare yuhducuja”, ni tuhotyeye, tuho masieĵequina ijije, ti ijipihitiye musare musa tuhotyepu ahtare. ²³Ijipihitiye ahri ĵaĵe musa tuhotyepu ahta, musare ĵana ijigū yere, niahye Jesu.

Judio masono ijericoro Jesure wacū tutuahye

(Mt 15.21-28)

²⁴Sa yero Tiro wame tiri maca cahapu esaro, to cĵa wuhupu sajā wahahye. Sa yero apequinare tiquiro ijiri wuhure yahu dutierahye. Sa yahu dutieraperota tiquinare tiquiro duhti masiedahye. ²⁵Ti pjereta numino ticoro macono watino cuoricoro tiquiro cahapu ijiahye. Sa ye Jesu yerire ihĵaĵe apequina ticoro pacorore yuahaye. Tiquina sa yahuri bato ticoro pacoro pehe waha, Jesu dahpocari cahapu dusepe curi mehna quehe sahye tiquirore ño peoro. ²⁶Ticoro Siria yehpupu ijiri yehpa Fenicia wame tiri yehpa cĵono ijiahye.

—Watĵnore cohariĵa yuhu macore, ni siniahye ticoro Jesure.

²⁷Ticoro sa sinigū tuhoro ohō saha niahye Jesu:

—Wahmanore wuhu upuro pohne ye ihyayere diayeare yuhu oho muhtagū to wahaerare. (Israe masa yere ape yehpa cĵenare yuhu oho muhtagū to wahaerare,) niahye Jesu ticorore queoye mehna yahuro.

²⁸—Sa ĵire puhto. Sa ijiepegūta diayea gūhu mesa doca tiquina pohne ihy site dijioyere ihy cohtere tiquina gūhu. (Ape yehpa cĵo yuhu ijiepegūta yuhu gūhure yedoho masine muhu,) ni yuhtiahye ticoro.

²⁹—Muhu sa ni yuhtigū muhu macore watino duhu tuhasari. Ihĵago wahaya, niahye Jesu ticorore.

³⁰Tiquiro sa nigũ tũhoro waha, ticoro wũhũpũ esaro, ticoro maconore watĩno marienicoropũre cuñanopũ ijiricorore ihñahye.

Cahmono tũhoeriquirore, yahuducu masieniquirore yũhdũoahye Jesu

³¹Ti pjere Jesu Tiro wame tiri maca cahapũ ijiriquiro waha, Sidũ wame tiri macare esa yũhdũ cã, Decapoli wame tiri macare esa yũhdũ cã, Galilea wame tiri ditarapũ esahye. ³²Sa ye cahmono tũhoeriquirore, yahuducu masieniquirore Jesu cahapũ ne cãtahye apeqũna.

—Mũhũ omoca mehna ña peoya tiquirore, ni siniahye tiquina tiquirore.

³³Tiquina sa nigũta Jesu pehe tũhoeriquirore ne cã, masa marienopũ siho esahye. Tiquina sehsharo ijiahye. Sa yero Jesu tiquiro omo piri mehna tũhoeriquirore cahmo coperire ohbe sũahye. Sa ye tuhasa, sihco puti, tiquiro ñehmenore ña peoahye.

³⁴Sa ye tuhasa uhmũsepũ ihña mũo, jeri ne, ohũ saha niahye:

—Efata, niahye Jesu. “Efata”, nino “Pũohña”, nino nine. Sa nino tiquirore tũho dutiro niahye. Sa yero yahuducu dutiro niahye.

³⁵Tiquiro sa nigũta tiquiro pehe tũho boca, tiquiro ñehmeno cahbiro wahagũ tũhoturo quehnoano yahuducuahye. ³⁶Sa yero Jesu tiquinare tire apeqũnare yahu site dutierahye. Tiquiro sa yahu site dutieraripe taharita tja tiquina apeqũnare yahu site nemoahye. ³⁷Sa ye masa tũho maria wahaye, ohũ saha niahye:

—Ijipiltiyere tiquiro quehnoano yere. Tũhoeyequinare quehnoano tũhogũ yere. Yahuducu masieñequina gũhũre quehnoano yahuducugũ yere Jesu, niahye masa.

Cuatro mil masare ihyayere ohoahye Jesu

(Mt 15.32-39)

8 ¹Ti pjere pari turi masa peyequina cahmecoari bato ihyaye marieñequina tiquina ijigũ ihñano Jesu tiquiro buheyequinare pijioahye:

²—Ahriquina masa ihtia deco waro yũhũ mehna iji tuhasari. Sa ye tiquinare pohe mariedare. Tiquina pohe mariedagũ ihñagu tiquinare paja ihñaja yũhũ.

³Apeqũna tiquina mehna cñena yoaropũ ahtari. “Tiquinapũ tũja ahbayequina mahapũ borari”, nigũ tiquinare ihyaye marieno tiquina ye wũhũsepũ waha duti dueraja. Sa yegu tiquinare pohe oho duaja, niahye Jesu tiquiro buheyequinare.

⁴—¿Dũhse ye mari ohũre masa marienopũre pãre boca ohoboagari mari? niahye Jesu buheyequina tiquirore.

⁵—¿Nohope paca pã pacare cũoajari mũsa? ni sinituahye Jesu.

—Siete pã paca ijire, niahye tiquina.

⁶Sa yero tiquiro masare yehpũpũ duji duti, siete pã pacare ne, Cohãcũre “Quehnoare”, niahye. Sa ni tuhasa, ti pacare nuha, tiquiro buheyequinare oho, masare iti dutiahye. Tiquiro sa dutiri bato tiquiro buheyequina pehe pãre masare itiahye. ⁷Sa ye wahi gũhũre meheñequinagã cũoahye tiquina. Sa yero tiquinare Cohãcũre “Quehnoare”, ni, wahi gũhũre iti dutiahye. ⁸Tiquina iti tuhasagũ

tiquina ihyaye, yapi yũhdũa wahahye. Tiquina ihya dũharire siete pũhũse waro ne cahmecoa wahpo dapoahye tiquina. Tiquina cuatro mil masa ijiahye. ⁹⁻¹⁰Sa ye tuhasa Jesu masare cohe tiahye. Cohe ti tuhasa tiquiro buheyequina mehna yucusapũ sajãhye. Sajã tuhasa Dalmanuta wame tiri maca cahapũ wahahye.

Fariseo masa Jesure Cohãcjũ tutuaye mehna ye ihño dutiahye
(Mt 16.1-4; Lc 12.54-56)

¹¹Sa ye fariseo masa wihi, Jesu mehna cahme dũse tutuahye. Tiquina Jesure Cohãcjũ tutuaye mehna ye ihño dutiye, tiquiro ye ihño masiedagũ ihña duamahye. ¹²Tiquina sa dutigũ tũhoro Jesu tutuaro bũjũa witi pihopũri, jeri sajãedar, ohõ saha niahye:

—¿Musa yojopũ cjãna dũhse yena musa Cohãcjũ tutuaye mehna ye ihñoñene ihña duajari? Potota niita niaja musare. Yojopũ cjãnare musare Cohãcjũ tutuaye mehna ne ye ihñosi yũhũ, niahye Jesu.

¹³Sa ni tuhasa waha, pari turi yucusapũ sajã, ape sie pahrẽpũ pehãa wahahye.

Fariseo masa, Herode mehna cjẽna gũhũre tiquina
ñãñe buheyere yahuahye Jesu
(Mt 16.5-12)

¹⁴Sa wahaye, pãre bo cũ, yucusapũ ihcãriata pãre cũoahye tiquina.

¹⁵Sa yero Jesu cua pesaro mehna yahuahye tiquinare.

—Quehnoano yeya. Fariseo masa, Herode mehna cjẽna gũhũ tiquina ye pãre pugũ yeyere ihñana quehnoano yeya. Cuarĩne ti, ni yahuahye.

¹⁶Tiquiro sa nigũ tũhoye tiquiro buheyequina pehe tire tiquina basi yahuducuahye.

—Mari pãre mari ne cãhtaeragũ ihñano sa niaga ahriquiro, nimahye tiquina.

¹⁷Tiquina sa nidire masino tiquinare sinituahye Jesu:

—¿Dũhse yena musa pã borire wacũajari musa? ¿Musa masiedajari? ¿Tũhoerajari? ¿Tũho duerajari musa? ¹⁸¿Caperi tina ijiepenata ihñedajari musa? ¿Sa yena cahmono tina ijiepenata tũhoerajari musa? ¿Musa ahrire wacũedajari? ¹⁹¿Yũhũ ihcã omope paca pã pacare nuha, cinco mil masare yũhũ ohorire wacũedajari musa? ¿Tiquina ihya dũharire nohope pũhũsere pã pacare musa ne cahmecoa wahpo daporĩ pũhũsere neari musa? niahye Jesu tiquinare.

—Doce pũhũse nei, niahye tiquina tiquirore.

²⁰—¿Sa ye yũhũ siete pã pacare cuatro mil masare yũhũ ohori bato nohope pũhũsere pã pacare musa wahpo daporĩ pũhũsere neari musa? niahye Jesu.

—Siete pũhũse nei, niahye tiquina tiquirore.

²¹—¿Sa ihñaepenata quehnoano masiedajari musa? niahye Jesu tiquinare.

Jesu caperi bajueriquirore ihñagũ yeahye

²²Sa ye Betsaidapũ tiquina esagũ ihñañe, masa pehe caperi bajueriquirore ne cãhtahye.

—Tiquirore ña peoya, ni tutuaro siniahye tiquina Jesure.

²³Sa yero Jesu caperi bajueriquiro omocare ñehe, ti maca dũtu cahapũ tiquirore tuã cãhye. Topũ ne sa, tiquiro caperire sihco puti, tiquiro omocari mehna tiquirore ña peohaye.

—¿Mũhũ ihñagũ bajuajari? ni sinituahye Jesu.

²⁴Tiquiro sa nigũ tiquiro pehe ihñano ohõ saha niahye:

—Umũare ihñaja. Yũhũ sa ihñaepegãta tiquina yucuri tiniñe cja yero saha bajure, niahye caperi bajueriquiro.

²⁵Tiquiro sa nigũ tũhoro Jesu pehe tiquiro omocari mehna tiquiro caperire ña peohaye tja. Tiquiro sa ña peori bato caperi bajueriquiro tutuaro tiquiro ihñagũ caperi quehnoano bajuahye. Sa yero ijipihtiyere quehnoano ihñahye tiquiro. ²⁶Sa yero Jesu tiquirore tiquiro ya wũhũpũ ohoahye.

—Macapũ pũritare wahaeracãhña, niahye Jesu tiquirore.

**Jesu potota Cristo tiquiro ijiyere Cohãcjũ ohoriquiro
tiquiro ijiyere yahuahye Pedro**
(Mt 16.13-20; Lc 9.18-21)

²⁷Sa ye Jesu tiquiro buheyequina mehna Cesarea Filipino wame tiri maca cahapũ ijyie macaripũ waha nemoahye. Topũ waharo Jesu sinituahye tiquiro buheyequinare:

—¿Noa boro ijiagari yũhũ, masa yũhũre tiquina tũhotugũ? ni sinituahye tiquiro.

²⁸Tiquiro sa sinitugũ tũhoye yũhtiahye tiquina:

—“Ñu wame yeriquiro ijire”, nine. Apequina “Elia ijire”, nine.

Apequina “Cohãcjũ yere yahu mũhtariquina mehna cjũno ijiboaga”, nine, ni yũhtiahye tiquiro buheyequina tiquirore.

²⁹Tiquiro sa nidi bato Jesu sinitu nemoahye:

—¿Mũsa pehe tũhotugũ noa boro ijiagari yũhũ? ni sinituahye tja.

—Mũhũ Cristo Cohãcjũ ohorigũ ijire, ni yũhtiahye Pedro.

³⁰Tiquiro sa nigũ tũhoro Jesu ohõ saha niahye:

—Yũhũre “Cristo ijire tiquiro”, ni yahu site niedacãhña apequinapũre, niahye tiquinare.

Jesu tiquiro yaria masa wijiatire yahuahye
(Mt 16.21-28; Lc 9.22-27)

³¹Sa ye tiquiro buhe dũcahye tiquinare.

—Yũhũ masũ Cohãcjũ ohorigũ ijiaja. Sa yegũ tutuaro ñano yũhdũguta. Sata waharo cahmene yũhũre. Judio masa bũcũna, pahia pũhtoa, mari judio masare buheyequina yũhũre cahmedaye, yũhũre wejẽeta. Tiquina sa wejẽgũ ihtia deco wahaboro masa wijiajutja, niahye Jesu tiquinare.

³²Sa nino ne tũho wisiagũ yero marieno yahuro niahye tiquinare. Tiquiro sa nigũ tũhoro Pedro pehe yoa cjũnogã Jesure ne sadũca,

tiquiore sa ni dutierahye. ³³Tiquiro sa ni dutieragũ tũhoro Jesu tiquiore buheyequinare majare ihña, tuhtiahye Pedrore.

—Satana yero saha yahuducugũ nine mũhũ. Sa niedacãhña. Mũhũ tũhotuye masa ye ijire. Cohãcjũ ye ijierare, niahye tiquiore Pedrore.

³⁴Sa ni tuhasa masare tiquiore buheyequina mehna tiquiore cahapũ pijio ohõ saha niahye:

—Ihcãquiro yaquiro jji duaro, tiquiore esa tuharo ye duamedire duhu cãnota. Sa yero yaquiro tiquiore ijiri buhiri ñano yũhdũeperota yũhũre duhusi. Sa yero yeere yeducuriquiro ijirota. ³⁵Masũno tiquiore esa tuharo tiquiore cahmeno sahata yeriquiro pecapũ waharota. Sa yero masũno, yeere sa yeducuro, quehnoañe buheyere sa yeducuro, ijipihtiyere decori yũhũ mehna uhmũserũ ijiducurota. ³⁶¿Ihcãquiro masũno ahri yehpa cjẽne ijipihtiyere cuoriquiro pecapũ waharo yabere wapatajari tiquiore? Sa ijiriquiro ne wapataerare. ³⁷Pecapũ tiquiore jeripohna wahagũ ne dũhse wapa ye wioro basioeraga. Masũno jeripohna ihyo waro ijierare. ³⁸Yojopũre, ñañequina Cohãcjũre cahmeeñequina tiquina esa tuharo yeri deco ijiro nine. Ihquẽquina yũhũre, yũhũ buheye gũhũre bue tisãboaga. Tiquina sa yegũ ihñagũ yũhũ masũ Cohãcjũ ohorigũ quehnoañequina angele mehna yũhũ Pacũ asi sitero mehna tojoa tagũ yũhũre bue tisãnequinare bue tisãgutja yũhũ gũhũ, ni yahuahye Jesu.

9 ¹Sa ni tuhasa ohõ saha ni nemoahye Jesu:

—Potota niita niaja mũsare. Ihquẽquina mũsa ohõpũre ijina mũsa yariato pano Cohãcjũ tiquiore pũhtoro ijirorpũre yũhũ sajãgũ yũhũre ihñanata, niahye Jesu tiquinare.

Jesu tiquiore pagũre comesahye

(Mt 17.1-13; Lc 9.28-36)

²Sa ye seis decori bato Jesu Pedrore, Santiagore, tiquiore bahũro Ñũ gũhũre uhmũanũ cũnũpũ tiquina dihitare piji mũjahye. Uhmũanopũ esari bato tiquina ihñonopũ tiquiore pagũre comesaa wahahye. ³Tiquiro suhtiro asi sitero yero saha yehsero wahahye. Ahri yehpa cjẽna numia suhti coseyequina numia sa yehseye ye masiedare. ⁴Sa ye Jesu Elia mũnano, Moise mũnano mehna tiquina yahuducugũ ihñahye tiquina ihtiaro tiquiore buheyequina. ⁵⁻⁶Sa ye tiquina tutuaro cueahye. Sa cuero dũhse ni masiedamehno ohõ saha nimahye Pedro:

—Pũhto, mari ohõ ijigũ quehnoa duare. Ihtia wũhũgã yematja. Mũhũ ya wũhũgã, Moise ya wũhũgã, Elia ya wũhũgã yematja, nimahye tiquiore Jesure.

⁷Sa yero tiquina bui ehmeo curua cahmotahye. Sa cahmotagũta ehmeo watoapũ nino ca tahye:

—Ahriquiro yũhũ macũ yũhũ cahĩniquiro ijire. Tũhoya tiquiore, nino ca tahye.

⁸Sa nigũta Pedro gũhũ ihñamahye. Jesu dihitare ihñahye. Tiquina ihñariquina pehe mariedahye. ⁹Sa yero cũnũpũ tiquina dijia tagũ Jesu tiquinare yahuahye:

—Mianogã yũhure sa waharire apequinare yahueracãhña. Yũhu masu Cohãcãjũ ohorigũ yũhu yaria masa wijiari bato tire apequinare yahuya m̄sa, ni yahuahye tiquiro.

¹⁰Sa ye tiquiro dutiriro sahata tiquina ihñarire yahuerahye apequinare. Sa ye tiquina basi ohõ saha ni sinitu yahuducuahye:

—¿“Yũhu yaria masa wijiari bato”, nino dũhse nino niari tiquiro? ni, yahuducuahye tiquina.

Sa ye Jesure ohõ saha ni sinituahye:

¹¹—“Cristo tiquiro ahtato pano Eliare ahta mũhtano cahmene”, nine mari acaye judio masare buheyequina. ¿Dũhse ijiro boro sa niagari tiquina? ni sinituahye tiquina tiquirore.

¹²⁻¹³Jesu yũhtiahye:

—Ijirota ijire. Eliare ahta mũhta dutiri Cohãcãjũ, ijipihiyere quehno mũhtatiquirore. Yũhu masu Cohãcãjũ ohorigũ peye tahari ñano yũhdũgũta. Apequina yũhure cahmedaye, ñano yeeta. ¿Dũhse ijiro boro tire sa ni ojoari, m̄sa tũhotugũ? Sa yegũ ahrire niitja m̄sare: Elia wihi tuhasari. Tiquiro sa wihiepegũta tiquina cahmediro saha tiquirore ñano yeahye. Sata ni ojoahye tiquirore, niahye Jesu tiquinare.

Jesu coã wahm̄sa cãhtariquirore yũhdũoahye

(Mt 17.14-21; Lc 9.37-43)

¹⁴Sa ye dijia ta, apequina buheyequina cahapũ esa, peyequina masare ihñahye. Tiquiro buheyequina pehe judio masare buheyequina mehna cahme dũse tutuaye niahye. ¹⁵Sa ye Jesu gũhu tiquina dijia tagũ ihñañe, ijipihiyequina masa acũa waha, tiquiro cahapũ oma cãa wahahye. Tiquiro cahapũ esaye,

—¿Ahtajari? niahye tiquirore.

¹⁶—Ahtaja, ni tuhasa,

—¿Dũhse ni cahme dũse tutuana niari m̄sa tiquina mehna? ni sinituahye Jesu tiquiro buheyequinare.

¹⁷Tiquiro sa ni sinitugũ tũhoro, masa watoa ducuriquiro yahuahye tiquirore:

—Buhegu, yũhu macure watĩno cũoriquirore mũhure ne cãhtami.

Watĩno pehe tiquirore yahuducu dutierare. ¹⁸Yũhu macure tiquiro ñehegũ yehpapũ bora, bahque diho, bũhaa wahae tiri tiquiro. Sa waharo sahpo tua wahae tiri. Sa yegũ mũhu buheyequinare watĩnore cohã dutimi. Yũhu sa dutiepegũta tiquina cohã masiedari watĩnore, ni yahuahye Jesure.

¹⁹Tiquiro sa nigũ tũhoro Jesu ohõ saha niahye tiquinare:

—Ne, yũhure wacũ tutuerare m̄sa. Yoari pje m̄sare buhemaja yũhu.

¿Noho puno yoari pje yũhure m̄sa cariboajari? Tiquirore ne cãhtaya yũhure, niahye Jesu.

²⁰Tiquiro sa nigũ tũhoye watĩno cũoriquirore Jesu caha ne cãhtahye.

Tiquina ne wihigũ ihñano watĩno pehe coã wahm̄sa cãhtariquirore yehpapũ doque quehe sa, tunu nanaregũ yeahye. Sa yero sahpo tuua wahahye.



(San Marcos 9.20)

21—¿Noho puno yuari pje watĩnore c̄soajari ahriquiroy? ni, sinituahye Jesu pehe tiquiroy pacurore.

—Nijinogā ijirop̄ta tiquiroyre c̄so d̄ucari. 22Sa yero watĩno pehe tiquiroyre pecar̄p̄, acor̄p̄ cohā wejēmedi. Sa yeḡu m̄h̄u ye masiḡu usāre p̄aja ih̄ña, yedohoya, niahye tiquiroy pacuro Jesure.

23Tiquiroy sa niḡu t̄horo ohō saha niahye Jesu:

—¿“M̄h̄u ye masieḡu ijire”, nijari m̄h̄u yuh̄re? Yuh̄re m̄h̄u wacū tutuaḡu ih̄ñano, Cohāc̄jū ijiptiyere ye peho masine, m̄h̄ure yedohoro, niahye Jesu.

24Tiquiroy sa niḡuta coā wahm̄a c̄htariquiroy pacuro ohō saha ni sañuducuahye:

—M̄h̄ure wacū tutuaja. Ȳh̄u wacū tutueraḡu ih̄ñagu yuh̄re yedohoya m̄h̄ure ȳh̄u wacū tutuato saha, niahye tiquiroy.

25Sa yero masa peyequina tiquina cahar̄p̄ oma c̄hta, tiquina cahmecoaḡu ih̄ñano, Jesu watĩnore ohō saha ni tuhtiahye:

—M̄h̄u yahuducu dutieḡu, t̄ho dutieḡu ahriquiroy mehna ijiroḡu wahaya. Sa wahagu tiquiroyre pari turi cariboerac̄h̄ña, niahye Jesu.

26Tiquiroy sa niḡu t̄horo watĩno sañuducu, coā wahm̄a c̄htariquiroyre yehrap̄ doque quehe sa tunu nanareḡu ye, wahahye. Tiquiroy sa yeḡu coā wahm̄a c̄htariquiroy yariariquiroy yero saha wahahye.

27—Tiquiroy yariaa wahare, nimahye masa peyequina.

Tiquina sa niepegũta Jesu pehe tiquiro omocare ñehe, tiquirore wahcõahye. Tiquiro sa wahcõgũ wahcãhye tiquiro pehe. ²⁸Came Jesu gũhũ wũhũpũ tiquina sajã sagũ tiquiro buheyequina tiquirore sinituahye: —¿Dũhse yena usã pehe watĩnore cohã masiedayari, mũhũ tuhutugũ? ni sinituahye tiquina.

²⁹—Ahriquiro boro watĩnore cohã duana Cohãcjũre tutuaro sinino cahmene mũsare, ni yũhtiahye Jesu tiquinare.

Pari turi Jesu tiquiro yaria masa wijiatire yahuahye

(Mt 17.22-23; Lc 9.43-45)

³⁰Sa ye topũ ijiriquina waha, Galilea yehpũpũ esa, yũhdũa wahahye. Topũ tiquina waharire apeqũna masigũ cahmedahye Jesu tiquiro yequinare buhero taro. ³¹Topũ esaro tiquiro buheyequinare buheahye. Ohõ saha ni buheahye:

—Yũhũ masũ Cohãcjũ ohorigũ ijiaja. Masa yũhũre ñehe, apeqũnapũre yũhũre ohoeta. Tiquina sa ohori bato yũhũre wejẽeta. Tiquina sa wejõrigũ ijiepegũta ihtia deco wahaboro masa wijiajutja, niahye tiquinare.

³²Tiquiro sa nigũ tuhoye tiquina quehnoano tuho ñehedahye. Sa ye cuye, tiquirore tire sinitu nemoedahye.

Jesu buheyequina tiquina mehna cjũnore pũhto sõ duaye nimahye

(Mt 18.1-5; Lc 9.46-48)

³³Sa ye Capernaupũ tiquina esari bato wũhũpũ tiquina ijigũ Jesu pehe sinituahye tiquinare.

—¿Mahapũre ahtana, dũhse ni yahuducu cãhtana niari mũsa? ni, sinituahye tiquinare.

³⁴Tiquiro sa sinitugũ tiquina yũhtierahye. Mahapũre ahtaye, cahme ohõ saha ni yahuducu cãhtaye niahye:

—¿Mari mehna cjũnore diquiro pehere mari pũhtoro sõnatari mari? ni yahuducuye niahye mahapũre ahtaye.

³⁵Sa ye tiquina sa nidire bue tiye Jesure yũhtierahye. Tiquina sa yũhtieragũ ihũano Jesu nuju sa, tiquiro buheyequinare doce buheyequinare pijio ohõ saha niahye:

—Mũsa pũhtoa iji duana ijipihtiequina masa tiquina cahacjãna ijiro cahmene mũsare. Sa yena ihyo ijina ijipihtiequina docapũ ijinata mũsa, niahye Jesu tiquinare.

³⁶Sa nino nijinogãre tiquina watoa duhu docoahye. Duhu doco tuhasa tiquirogãre ne wũa, ohõ saha ni yahuahye:

³⁷—Yeere ye duana ahriquirogãre mũsa cahmena, yũhũ gũhũre cahmene mũsa. Sa yena yũhũre cahmena, yũhũre ohoriquiro mari Pacũ gũhũre cahmene mũsa, niahye Jesu tiquinare.

Marine ihña tuhtiriquiro ijieraro, mari mehna cjũno ijire

(Mt 10.42; Lc 9.49-50)

³⁸Came Ñu ohõ saha niahye Jesure:

—Buhegu, mũhu wame mehna watĩare cohãriquirore usã ihñau. Mari mehna cjũno tiquiro ijieragũ ihñana tire tiquirore ye dutierahiti usã, niahye tiquina.

³⁹Tiquina sa nigũ tũhoro Jesu tiquinare yahuahye:

—Sa niedacãhña mũsa tiquirore. Ihcãquiro yũhu wame mehna Cohãcjũ tutuaye mehna yero, came yũhũre ñano ni yahuducu masiedare. ⁴⁰Marine ihña tuhtiriquiro ijieraro, tiquiro mari mehna cjũno ijire. ⁴¹Mũsare potota nii niaja. Yeequina mũsa ijigũ ihñãne apequina mũsare tiquina yedohogũ ihñano Cohãcjũ tiquinare quehnoano yerota. Acore mũsare tiquina mehenogã sihõgũ tiquinare quehnoano yerota Cohãcjũ tiquina sa yeri wapa, niahye Jesu tiquinare.

Ñañene yegũ cuarĩne

(Mt 18.6-9; Lc 17.1-2)

⁴²Sa yero Jesu yahu nemoahye:

—Ahriquirogã yero saha ijiriquirore yũhũre wacũ tutua dũcariquirore yahugũtja mũsare. Apequiro ahriquirogã yero saha ijiriquirore ñañene ye dutiro tiquiro ña yũhdũaro yũhdũrota. Ihcãquirore tiquiro wamũapũ pajiria utãre dũhte yo, pajiri mapũ tiquirore tiquina cohãgũ ñano wahaboaga tiquiro. Sa ijiepegũta ahriquirogã yero saha ijiriquirore ñañene ye dutiriquiro tiquiro pehe pajiri mapũ tiquina cohãriquiro yũhdũoro ñano yũhdũrota. ⁴³⁻⁴⁴Mũhũ omoca mehna ñano yegu ti omocare mũhũ dũte cohãboriro saha ti mũhũ ñano yeye pehere duhuya. Tire duhueragũ pecapũ wahagũta. Topũre ne peca yatierare. Sa ye becoa ne yarierare. Mũhũ omocare cohãgũ ti si dihita butiboaga. Sa yegu mũhũ pehe sa bajuri turu ijiepegũta came Cohãcjũ mehna ijigũta. Pũa omoca mehna pecapũ wahagũ mũhũ sa wahagũ ña yũhdũaboaga. Sa yegu ti mũhũ ñano yeye pehere duhuya. ⁴⁵⁻⁴⁶Mũhũ dahpocã mehna ñano yegu ti dahpocã gũhũre mũhũ dũte cohãboriro saha ti mũhũ ñano yeye pehere duhuya. Tire duhueragũ pecapũ wahagũta. Topũre ne peca yatierare. Sa ye becoa ne yarierare. Mũhũ dahpocãre mũhũ cohãgũ ti si dihita butiboaga. Sa yegu sa bajuri turu ijiepegũta came Cohãcjũ mehna ijigũta. Pũa dahpocã mehna pecapũ wahagũ mũhũ sa wahagũ ña yũhdũaboaga. Sa yegu ti mũhũ ñano yeye pehere duhuya. ⁴⁷⁻⁴⁸Mũhũ capea mehna ñano yegu tiare ore we mũhũ cohãboriro saha ti mũhũ ñano yeye pehere duhuya. Tire duhueragũ pecapũ wahagũta. Topũre ne peca yatierare. Sa ye becoa ne yarierare. Tiare mũhũ cohãgũ tia dihita butiboaga. Ihcã capea mariedapegũta came Cohãcjũ mehna ijigũta. Pũa capea mehna pecapũ wahagũ mũhũ sa wahagũ ña yũhdũaboaga. Sa yegu ti mũhũ ñano yeye pehere duhuya.

⁴⁹Ahri yehrapũ ijina ñano yũhdũnata mũsa. Pecapũ mari ẽjũgũ marine purĩno saha ñano yũhdũnata mũsa. ⁵⁰Moa quehnoano ocare. Moa ocaeragũ

ti moare ocagũ yero basioerare. Moa ocaeraro ti moa ne quehnoaedare. Ti moare duhsero basioerare. Sa ijigũ ihñana ti moare cohãno cahmene. Moa quehnoano ti ocaro saha m̄sa gũhũ masa quehnoana ijiya. Sa yena apequina mehna quehnoano mehna ijiya, ni yahuahye Jesu tiquinare.

Tiquina namosãnumiare cohãñene yahuahye Jesu

(Mt 19.1-12; Lc 16.18)

10 ¹Sa ye tiquiro topũ ijiriquiro waha, Judea yehpa cahapũ esa, Jordã wame tiri ma ape sie pahrẽpũ esahye. Topũ tiquiro esagũ ihñañe masa peyequina tiquiro cahapũ cahmecoahye tja. Tiquina sa cahmecoagũ ihñano to pano tiquiro buheriro sahata pari turi buheahye tja. ²Tiquiro sa buheri watoa fariseo masa wihiahye. Jesure ñano tiquiro yahuducugũ tãho duamahye tiquina. Sa tãho duaye tiquina Jesure sinituahye.

—¿Mari namosãnumiare cohãgũ quehnoaboagari? ¿Mari dutiye pehe sata ye dutiajari, m̄hũ tũhotugũ? ni sinituahye tiquina.

³—¿Dũhse ye dutiajari to Moise m̄sare tiquiro cũri? ni yũhtiahye Jesu.

⁴—“Papera pũre m̄sa cohãñene yahuyere ojoana m̄sa namosãnumiare cohã masine”, niahye Moise, ni yũhtiahye fariseo masa pehe.

⁵Tiquina sa nigũ tũhoro ohõ saha ni yahuahye Jesu:

—Cohãcjũ dutiyere m̄sa ye dueragũ ihñano sa ni ojoahye Moise.

⁶Tiquiro sa ni ojoari ijiepegũta ahri yehpare bajumehnediquiro um̄no, numino gũhũre yeahye. ⁷Sa yero um̄no tiquiro pacusum̄are cohã wija, tiquiro namono mehna ijirota. ⁸Sa ye tiquina pũaro ijiepetã ihcã pagũ yero saha ijire. Sa ye tiquina pũaro yero saha ijierare. Ihcã pagũ yero saha ijire nine. ⁹Cohãcjũ tiquiro omoca dũhte dutiriquina ijire. Sa ye tiquinare cahme duhueraro cahmene, niahye Jesu tiquinare.

¹⁰Sa ni tuhasa tiquiro buheyequina mehna wũhũpũ sajã wahahye. Wũhũpũ sajã sa, tiquina namosãnumiare cohãñene tiquiro buheyequina sinituahye tja tiquirore. ¹¹Tiquina sa sinitugũ tiquiro yũhtiahye:

—Tiquiro namonore cohãriquirõ apecorore namo tiro, apecoro mehna ñano yeriquiro ijire. Sa yero tiquiro cohãricorore ñano wahagũ yero nine. ¹²Sa yero numino pehe ticoro manũnore cohãno, apeqirore manũ tiro, tiquiro mehna ñano yericoro ijire, niahye Jesu tiquinare.

Macanagã ye ijiatire Cohãcjũre sini basahye Jesu

(Mt 19.13-15; Lc 18.15-17)

¹³Sa ye macanagãre Jesure ña peo dutiye tehe tiquinagãre Jesu cahapũ ne cãhtaye niahye. Tiquina sa yegũ ihñañe tiquiro buheyequina pehe tiquinagãre ne cãhtayequinare tuhtiahye. ¹⁴Tiquina sa tuhtigũ ihñano Jesu usuaro, ohõ saha niahye tiquinare:

—Macanagã yũhũ cahapũ ahtaahro. “Waharĩsa”, niedacãhña tiquinagãre. Tiquinagã Cohãcjũre tiquina pũhtoro tũhoture. Sa ye

Cohãcǵũ tiquiro pũhtoro ijirorpũre ahriquinagã yero saha tũhotuyequina ijire topũre. ¹⁵Ijirota niita niaja mũsare. Ahriquinagã Cohãcǵũre tiquina cahmeno saha mũsa pehe cahmedana, tiquiro cahapũ wahasi mũsa. Mũsa wahaeragũ mũsa pũhtoro ijisi tiquiro, niahye Jesu.

¹⁶Sa ni tuhasa Jesu macanagãre ne wũa, tiquinagãre ña peoro ohõ saha niahye: —Ahriquinagã quehnoañequina wahaahro, ni sini basahye Cohãcǵũre.

Doeri cǵẽ upũro Jesure sinituahye

(Mt 19.16-30; Lc 18.18-30)

¹⁷Sa ye Jesu mahapũ tiquiro wahaducugũ apequiro pehe oma cã, tiquiro dahpocãri cahapũ dũsepe curi mehna quehe sahye tiquirore ño peoro.

—¿Ne, quehnoagũ buhegũ, yũhũ ijipihtiyẽ decori Cohãcǵũ mehna iji duagũ dũhse yegũtari yũhũ? niahye tiquiro Jesure.

¹⁸Tiquiro sa nigũ Jesu yũhtiahye:

—¿Dũhse ijiro boro yũhũre “Quehnoagũ”, ni pisuajari mũhũ? Cohãcǵũ dihita quehnoariquiro ijire. ¹⁹Ahri Cohãcǵũ dutiyere masine mũhũ: Masare wejẽdacãhña. Wũana tieracãhña. Yaqueracãhña. Ni mehoedacãhña. Apequina yere ni meho nedacãhña. Mũsa pacũsumũare ño peoya. Ahri dutiyere yero cahmene masare, ni yahuahye Jesu tiquirore.

²⁰—Buhegũ, tire ijipihtiyere coã wahmũa cãhtagũ ijigũpũta yũhdũdũcaera tii yũhũ, niahye tiquiro Jesure.

²¹Tiquiro sa nigũ tũhoro Jesu pehe tiquirore ihñadoque ohõ, cahñahye. Sa yero ohõ saha niahye:

—Mehenogã dũhsare mũhũre mũhũ ye pehoato. Ijipihtiyere mũhũ yere duagũ wahaya. Sa yegũ ijipihtiyere mũhũ wapatari niñerure pejecũoyequinare ohoya. Mũhũ sa yegũ pajiro mũhũ ye uhmũsepũ, Cohãcǵũ cahapũ ijirota. Mũhũ sa yeri bato yũhũ mehna cǵũ ijiaçũ ahtaya, niahye Jesu tiquirore.

²²Tiquiro sa nigũ tũhoro tiquiro pehe peye doeri cǵẽ cũoriquiro ijiro tire pejecũoyequinare oho dueraro, bujũa witi, coaera, wahaah wahahye.

²³Tiquiro sa bujũa witiğũ ihñano Jesu majaredũca sa, tiquiro buheyequinare ihñadoque ohõ, ohõ saha niahye:

—Doeri cǵẽ cũoyequina Cohãcǵũ pũhtoro ijirorpũre tiquinare waharo basioera cǵũre, niahye tiquinare.

²⁴Tiquiro sa nigũ tũhoye tiquina pehe tiquirore tũho maria wahahye. Sa ni tuhasa Jesu pari turi yahuahye tiquinare:

—Yũhũ acaye, ijipihtiyequina doeri cǵẽ opana Cohãcǵũre wacũno marieno Cohãcǵũ pũhtoro ijirorpũ tiquinare waharo basioerare. ²⁵Camello pehe awia coperpũ tiquiro sağã duagũ basioerare. Tiquiro sa ijiro yũhdũoro doeri cǵẽ cũoriquirore Cohãcǵũre wacũno marieno Cohãcǵũ pũhtoro tiquiro ijirorpũre tiquirore waharo basioerare, ni yahuahye tiquinare.

²⁶Tiquiro sa nigũ tũhoye to pano tiquina tũho mariariro yũhdũoro tũho maria waha, tiquina basi ohõ saha niahye:

—Yohou, tiqiro nino sahata potota ijigũ ne ihcãquiro masunore yũhdũoeraboaga Cohãcjũ, niahye tiquina basi.

²⁷Tiquina sa nigũ tuhoro Jesu tiquinare ihñadoque ohõ, ohõ saha niahye:

—Masa tiquina esa tuharo quehnoano yeri mehna Cohãcjũ caharũ waha masiedare. Cohãcjũ pehe masare pecarũ wahaboriquinare yũhdũo masine. Tiquiro ijipihtiyere quehnoano ye masi peho cãhre, niahye Jesu tiquinare.

²⁸Tiquiro sa nigũ Pedro tiqirore ohõ saha niahye:

—Tuhoriña. Usã pehe ijipihtiyere usã yere cũ cãũ mũhũ mehna wahana tana, niahye tiqiro Jesure.

²⁹Tiquiro sa nigũta Jesu ohõ saha niahye:

—Ijirota niita niaja musare. Quehnoañe buheyere, yeere yena tana yũhũre ño peona tana musa wũhũsere, musa bahanare, musa pacusũmũare, musa pohñare, musa weserire cũrina ijina, pajiro wapatanata musa yojopũre. ³⁰Sa yena musa wũhũsere, musa bahanare, musa pacosãnumiare, musa pohñare, weserire, to pano musa cũoriro yũhdũoro yojopũre peye cũonata musa. Sa ye apequina musare ñano yeeta. Sa yena camerũre ape tjuorũ ijipihtiyere decori Cohãcjũ mehna ijinata. ³¹Yojopũre peyequina pũhtoa ijiriquina ti pjeprũre ihyo ijieyequina tojoaeta. Sa ye yojopũre peyequina ihyo ijieyequina ijiriquina ti pjeprũre pũhtoa camesaeta tja, ni yahuahye Jesu tiquinare.

Pari turi Jesu tiqiro yaria masa wijiatiye yahuahye

(Mt 20.17-19; Lc 18.31-34)

³²Sa ye tiquina maharũ maja, Jerusalẽpũ mujañe niahye. Jesu tiquina panogã uhmũ tãhye. Sa tiqiro uhmũ tãgũ ihñañe tiqiro buheyequina ihña maria wahahye. Sa ye tiquina bato nũnũ tãriquina pehe cuero mehna nũnũ tãhye. Sa yero Jesu tiqiro buheyequinare tiquina sehsharo neahye tja. Sa yero masa tiqirore dũhse yeatire Jesu yahu dũcahye tiquinare.

³³—Tũhoya yũhũre. Yojopũre Jerusalẽpũ wahana niaja mari. Topũ masa yũhũ masure Cohãcjũ ohorigũre ñehe, apequinapũre yũhũre ohoeta. Pahia pũhtoare, mari acaye judio masare buheyequina gũhũre yũhũre ohoeta. Sa ye yũhũre wejẽ dutieta tiquina. Sa wejẽ dutiye judio masa ijieyequina pehere yũhũre ohoeta. ³⁴Tiquina sa ohori bato tiquina pehe yũhũre bujupe, sihco puti ohõ, tana, wejẽeta. Sa yegu yũhũ yariari bato ihtia deco wahaboro masa wijiagũtja, ni yahuahye Jesu tiquinare.

Santiago, Ñũ mehna Jesure siniahye

(Mt 20.20-28)

³⁵Sa ye Santiago, Ñũ mehna Jesu caharũ esaye, siniahye tiqirore. Tiquina Zebedeo pohne ijiahye. Sa ye ohõ saha ni siniahye:

—Buhegu, usã sinino saha usãre yeya mũhũ, niahye tiquina Jesure.

³⁶—¿Dũhse yũhũ yegũ cahmeajari musa? niahye Jesu tiquinare.

37—Ijipihtiyequina pũhtoro ijigũ usãre mũhũ mehna duji dutiya. Ihcãquiro mũhũ poto pehe, apequiro mũhũ cũ pehe pehe duji dutiya usãre, mũhũ mehna pũhtoã usã ijiato saha, niahye tiquina Jesure.

38Tiquina sa nigũ tũhoro ohõ saha ni yahuahye Jesu tiquinare:

—Mũsa ñano yũhdũatore masiedapenata sa sinine yũhũre. ¿Yojopũre yũhũ ñano yũhdũato saha mũsa gũhũ ñano yũhdũna ihcãno sahaboagari? ni sinituahye tiquinare.

39Tiquiro sa sinitugũ tũhoye tiquina yũhtiahye:

—Ihcãno sahanata, ni yũhtiahye tiquina.

Tiquina sa nigũ Jesu ohõ saha ni yahuahye:

—Yũhũ ñano yũhdũato saha ñano yũhdũnata mũsa gũhũ. 40Mũsa sa yũhdũanaja mũsa ijiepegũta, yũhũ mehna dutiatiquinare, yũhũ mehna dujiatiquinare bese masiedaja yũhũ. Ahrire yũhũ Pacũ pehe quehno tuhasari. Sa ye tiquiro beseatiquina dihita yũhũ poto pehe yũhũ cũ pehe pehe dujieta, niahye Jesu tiquinare.

41Sa ye apequina pũã omopequina buheyequina Santiago, Ñũ ahriquina pũaro mehna usuahye tiquina sa sinidire tũhoye. 42Tiquina sa usuagũ ihñano Jesu tiquiro buheyequinare pijio ohõ saha niahye:

—Cohãcjũre masieñequina pũhtoã pehe tiquina masare dutiye, usuario mehna dutire. 43Mũsa pehe ne sa yesi mũsa basi. Mũsa mehna cjũno pũhtoro iji duaro, ijipihtiyequina tiquiro mehna cjẽna cahacjũno ijiro cahmene tiquirore. 44Sa yero ijipihtiyequinare dutiriquiro iji duaro, apequina cahacjũno ijiro cahmene tiquirore. 45Sata ijigũ ijiaja yũhũ gũhũ. Yũhũ masũ Cohãcjũ ohorigũ ijiepegũta ahri yehpũũ masare yedohogũ ahtaũ. Sa yegũ peyequina masa ye buhirire yariagũ ahtagũ nii. Sa yegũ peyequina masare pecapũ wahaboriquinare yũhdũogũ ahtagũ nii. Masare dutipegũ ahtagũ niedũ, niahye Jesu tiquinare.

Bartimeore, caperi bajueriquirore ihñagũ yeahye Jesu

(Mt 20.29-34; Lc 18.35-43)

46Sa ye tiquina Jericõpũ esahye. Sa yero Jesu tiquiro buheyequina, masa peyequina mehna ti macapũ ijieyequina tiquina wahagũ Bartimeo pehe maha dũhtũ cahapũ dujiahye. Tiquiro Timeo macũno caperi bajueriquiro ijiro, decoripe masare niñerure siniducuriquiro ijiahye. 47Sa yero topũ Jesu Nazare cjũno tiquiro cahapũ ahtagũ tũhoro Bartimeo ohõ saha ni sañuducuahye:

—Jesu, Davi mũnano panami iji turiagũ, masare yũhdũoacjũ, paja ihñaña yũhũre, ni sañuducuahye Jesure.

48Tiquiro sa nigũ tũhoye masa peyequina Bartimeore “Dihta mariahña”, ni tuhtiahye tiquina tiquirore. Tiquina sa tuhtigũ tũhoro Bartimeo to pano tiquiro sañuducuriro yũhdũo cjũno sañuducu nemoahye tja:

—Jesu, Davi mũnano panami iji turiagũ, masare yũhdũoacjũ, paja ihñaña yũhũre, ni sañuducuahye tiquiro.

⁴⁹Tiquiro sa ni sañuducugũ tũhoro Jesu pehe esadũca, “Pijiohya tiquirore”, niahye. Tiquiro sa nigũ tiquina pehe caperi bajueriquirore piji cãhye:

—Bucueya. Wahcãducaya. Tiquiro mũhũre pijiore, niahye tiquina Bartimeore.

⁵⁰Tiquina sa nigũ tũhoro tiquiro bui cjã suhtirore tu we cũ, uhpu yũhũ cã, Jesu caharũ esadũcahye. ⁵¹Sa yero Jesu sinituahye tiquirore.

—¿Dũhse yũhũ yegũ cahmeajari mũhũ? niahye Jesu tiquirore.

—Yũhũ pũhto, yũhũre ihũagũ yeya, niahye caperi bajueriquiro.

⁵²—Wahaya. Mũhũ yũhũre wacũ tutuagũ quehnoa wahare, niahye Jesu tiquirore.

Tiquiro sa nigũta caperi bajueriquiro ihũnaa wahahye. Sa quehnoa waharo Jesu mehna maharũ wahaa wahahye.

Jerusalẽpũ esahye Jesu

(Mt 21.1-11; Lc 19.28-40; Jn 12.12-19)

11 ¹Sa ye Jerusalẽpũ tiquina esato panogã Betfagẽ wame tiri maca caharũ, Betania wame tiri maca caharũ ijidũpũ, Olivo wame tidũ cũnũpũ esa mũhtahye. Topũ esaro pũarore tiquiro buheyequina mehna cjẽnare Jesu ohoro ohõ saha niahye:

²—Si macarũ wahaya. Topũ esana duita burrogãre tiquina dũhte docoriquirogãre bocanata. Apequina pesamehnediquirogã ijiaga. Tiquirogãre bocana, yuta dare pã, ne cãhta basaya yũhũre. ³Musa sa yegũ ihũano burrogã upũro “¿Dũhsena burrogãre pãjari?” tiquiro nigũ tũhona, ohõ saha ni yũhtiya tiquirore: “Mari pũhtoro burrogãre cahmedoqueo nidi. Sa yero mianogãta wiarota tiquiro”, ni yahuya tiquirore, ni yahu duti ohoahye tiquiro buheyequinare pũarore.

⁴Tiquiro sa nigũ waha, wũhũ caharũ ijiri maharũ sopecaha caharũ burrogãre tiquina dũhte docoriquirogãre bocahye. ⁵Sa ye tiquirogãre yuta dare tiquina pãgũ ihũañe topũ ducyequina sinituahye tiquinare:

—¿Dũhse yena tana mũsa yuta dare pãjari burrogãre? ni sinituahye tiquina.

⁶Tiquina sa nigũ tũhoye, tiquina pehe Jesu tiquiro nidiro sahata yahuahye topũ ducyequinare. Tiquina sa yahugũ tũhoye topũ ducyequina pehe “Neahũa”, niahye tiquinare. ⁷Sa ye tiquina burrogãre Jesu caharũ ne sahye. Tiquina ne sari bato tiquirogã bui tiquina suhtire duhu peo tuhasagũ ihũano, Jesu pehe tiquirogã bui mũja pjeahye, waharo taro. ⁸Sa ye masa peyequina tiquina bui saũañe suhtire tu we ne, maharũ seõ cũ mũhtahye, Jesure ño peoye. Apequina pehe pũri tiye dũpũrĩre weserĩpũ tiquina ne cãhtari dũpũrĩre maharũ cũahye.

⁹Sa ye tiquiro pano wahayequina, tiquiro bato ahtayequina mehna ohõ saha ni sañuducuahye:

—Ahriquiore ño peouhna. Ahriquiore Cohãcjũ tiquiro ohoriquiro quehnoano ijiahro. ¹⁰Mari ñecũ iji turiariquiro Davi mũnano pũhtoro tiquiro ijiriro saha ahtariquiro quehnoano ijiahro. Æhmũse cjẽnore “Tutuagũ ijire”, ni ño peouhna, ni sañuducuahye tiquina.

¹¹Sa yero Jesu Jerusalēpũ esaro Cohācjũ ya wũhũpũ sajā saro, ti wũhũpũ ijijere ijipihtiyere ihña peho cāhye. Ihña tuhasa “Ñamicahapũ ijire. Deco cjũnota wahaũhna”, nino, Jesu tiquiro buheyequina doce buheyequina mehna Betaniapũ wahahye.

Jesu higuerağure yaria dutiahye

(Mt 21.18-19)

¹²Sa ye ape deco tiquina Betaniapũ ijiriquina wahaah wahahye. Sa yero Jesu pehe ıjũa ahbaa waha, yoaropũ higuera wame tidũre quehnoano pũri tidũre ihñano tũ dũcare macano wahamahye. ¹³Dũca mariedahye. Dũca tiri pje ijieraro pũri dihita ijiahye. ¹⁴Sa yero dũca mariedagũ ihñano ohũ saha niahye: —Ahdũ dũcare masa ne pari turi ihyeracāhdo. Ne dũca tieracāhdo, niahye Jesu. Tiquiro sa nigũ tiquiro buheyequina pehe tũhoahye.

Jesu Cohācjũ wũhũre Cohācjũ mehna yahuducuri wũhũ ye dutiahye

(Mt 21.12-17; Lc 19.45-48; Jn 2.13-22)

¹⁵Tiquiro sa yeri bato tiquina Jerusalēpũ esahye. Topũ esaro, Jesu Cohācjũ ya wũhũpũ sajā saro apee boro duayequinare, dũyequina gũhũre cohā wioahye. Sa yero niñeru comesaye mesarire yo wahcũ, ne majare cũ mũjahye. Bujuaare duayequina tiquina dujiye pahtari gũhũre sata yeahye. ¹⁶Sa yero apee borore ne sajā dutierahye masare. ¹⁷Sa yero Jesu ohũ saha ni buheahye tiquinare:



(San Marcos 11.15)

—Ohō saha nine Cohācjū yere tiquina ojoari pū: “Ya wuhū Cohācjū mehna yahuducuri wuhū wame tirota. Sa yero ijiphtiro cjēna ya wuhū ijirota”, ni ojoahye Cohācjū yere tiquina ojoari pū. Ti pū sa niepegūta mūsa pehe ahri wuhūpū duana, mūsa basi cahme yaquere mūsa, ni buheahye tiquinare.

¹⁸Tiquiro sa ni buhegū ijiphtiequina masa pehe tūho maria wahahye. Sa ye pahia pūhtoā, usā judio masa buheyequina mehna tiquireore cue niahye. Sa ye tiquina tiquireore wejēatire wacū macamahye. ¹⁹Tiquina sa yegū namicahapū Jesu tiquireore buheyequina mehna ti macapū ijiriquina wahaa wahahye.

Higueragu nāia wahahye

(Mt 21.20-22)

²⁰Sa ye bohrearo mahapū maja taye, higueragure ihñahye. Tū nūhcoripū nāi dūca, nāia wahahye tū. ²¹Tūre ihñano Pedro pehe wacū, ohō saha niahye:

—Buhegu, ihñaña. Higueragu mūhū yaria dutidū yaria wahaya, niahye Pedro.

²²Tiquiro sa nigūta Jesu yahuahye tiquinare:

—Cohācjūre wacū tutuaya mūsa. ²³Ijirota niita niaja mūsare. Ahdū cūnure pajiri mapū mūsa cohā dutigū mūsa nidiro saha sa waharota. Cohācjūre quehnoano mūsa wacū tutuagū “Yuhū sinidiro saha waharota”, mūsa ni tūhotugū mūsa nidiro saha waharota. ²⁴Sa yegū ahrire yahugutja mūsare. Cohācjū mehna yahuducuna, tiquireore sinina, “Yuhū sinidiro saha ohorota yuhūre”, ni tūhotuya. Mūsa sa yegū ihñano Cohācjū mūsa siniñene ohorota. ²⁵Sa yena Cohācjū mehna mūsa yahuducuoato pano mūsare apequina tiquina nāno yegū mūsa usuarire duhuya. Mūsa sa yegū ihñano mari Pacū ūhmūse cjūno mūsa nāñe yeri pehere tiquireore gūhū usua duhurota. [²⁶Mūsare nāno yeriquireore mūsa usua duhueragū mari Pacū gūhū ūhmūse cjūno mūsa nāñe yeri pehere usuaro ne duhūsi tiquireore gūhū,] niahye Jesu.

Pahia pūhtoā, judio masare buheyequina, būcūna mehna

Jesu mehna cahme dūse tini wiahye

(Mt 21.23-27; Lc 20.1-8)

²⁷Tiquiro sa nidi bato tiquina Jerusalēpū wahahye tja. Sa ye Jesu Cohācjū wuhūpū tiquireore tinigū ihñañe pahia pūhtoā, usā judio masare buheyequina, būcūna gūhū tiquireore cahapū esaye, tiquireore sinituahye:

²⁸—¿Duhsegu canūre sa yeari mūhū? ¿Noa mūhūre tire sa ye dutiari? ni sinituahye tiquina Jesure.

²⁹Tiquina sa nigū Jesu yūhtiahye:

—Mūsa pehere sinitu mūhtagutja. Quehnoano yuhūre mūsa yūhtigū mūsare yahugutja yuhū gūhū. ³⁰¿Ñu masare tiquireore wame yegū noa boro pehe tiquireore wame ye dutiyari, mūsa tūhotugū? ¿O Cohācjū dutierayari? ¿O masa pehe tiquireore dutiyari, mūsa tūhotugū? ni sinituahye tiquinare.

³¹Tiquiro sa nigū tiquina pehe tiquina basi ohō saha niahye:

—¿Duhse ni yuhtinatari mari? “Cohácjũ Ñure dutiri jiri”, mari nigũ, “¿Duhseña Cohácjũ Ñure tiqiro dutiepegũta tiqirore tuho duerari musa?” niboaga Jesu marine. ³²Sa yero “Ñu tiqiro wame yegũ Cohácjũ pehe tiqirore dutierari jiri”, mari nigũ masa pehe usueta mari mehna, niahye tiquina basi.

“Potota Ñu Cohácjũ yere yahu mũhtariqiro ijire”, ni tuhotue tiahye masa pehe. Sa ye pahia pũtoa, usã judio masare buheyequina, bucũna mehna tiquinare cue niahye. ³³Sa ye tiquina Jesure ohõ saha ni yuhtiahye:

—Ñure wame ye dutiriqirore usã masiedaga, niahye tiquina Jesure.

—Ti pje pũrita yũhũ gũhũ ahrire yũhũ yerire dutiriqirore yahueraja mũsare, niahye Jesu tiquinare.

Ñañequina dahra cohteyequina quitire yahuahye Jesu

(Mt 21.33-46; Lc 20.9-19)

12 ¹Sa ye Jesu tiqiro tuhotuye mehna ohõ saha ni queoye mehna buhe dũcahye tiquinare.

—Wese upũro uhsere darire oteahye. Ote tuhasa, sahrĩnore doco, uhsere tiquina cũta mũtoati copere sehe, uhmũari wũhũgã dahreahye tiqiro. Sa yero ti wesere apequinare ihcã pehe pahma cũno, ti wesere cohte dutiahye. Cohte duti tuhasa ape siepũ wahaa wahahye tiqiro. ²Came uhsere ñidi pje ijigũ wese upũro tiqiro cahacjũnore wese cjẽ tiqiro ya pahma cjẽ dũcare ne dutiro ohomahye. ³Sa ye wesere cohteyequina pehe tiqiro cahacjũnore ñehe, quẽahye tiqirore. Sa ye tuhasa tiqiro cahacjũnore uhsere tũhorine ohoerapeta tojoa dutiahye tiqirore. ⁴Sa yero wese upũro apeqiro tiqiro cahacjũnore ohomahye tja. Sa ye cohteyequina pehe tiqiro dapure cami dahre, ñano yeahye tiquina tiqirore. ⁵Sa yero apeqiro pehere tiqiro ohogũ cohteyequina tiqirore wejẽahye. Peyequina apequina gũhũre sa dihita ye mũjahye. Apequina pehere quẽ, apequina pehere wejẽahye tiquina.

⁶Sa yero wese upũro macũno dihita dũhsahye. Tiqiro cahĩniqiro ijiahye. Sa yero tiqiro macũnore ohoahye, “Yũhũ macũ pehere ño peoeta”, nino. ⁷Tiqiro sa ni tuhotuepegũta cohteyequina tiquina basi ohõ saha ni yahuducuahe: “Wese upũro macũno ijire ahriqiro. Tiqirore wejẽihna mari. Sa yero ahri wese mari ya wese tojoarota”, nimahye tiquina basi. ⁸Sa ñiñe tiqirore ñehe, wejẽ, wese duhtu cahapũ ne cã, cohã cãhye tiquina tiqirore.

⁹¿Ne wese upũro ahtaro dũhse yerotari tiqiro wesere cohteyequinare, musa tuhotugũ? Ohõ saha yerota tiquinare: Tiqiro tiquinare wejẽno, apequina pehere wesere cohte dutirota. ¹⁰⁻¹¹¿Cohácjũ yere tiquina ojoari pũre ahrire buherari musa? Ohõ saha ni ojoahye:

Ahriqiro Cristo utã yero saha ijire. Utãre wũhũre dahreyequina tiquina cohãno saha masa tiqirore cohãeta. Tiquina sa cohãeppegũta yojopũre wũhũre dahreyequina wũhũre yeye, tiquina cũ mũhtaria utãre tiquina cũno saha Cohácjũ tiqirore pũhtoro

sõri. Cohãcjũ pehe ahrire yeri. Tiquiro sa yegũ ihñana, “Quehnoa yũhdũare”, ni tũhotuaja mari, ni ojoahye panopũre.

¿Tire ne buherari mũsa? niahye Jesu tiquinare.

¹²Tiquiro sa nigũ tũhoye pahia pũhtoa, usã acaye judio masare buheyequina, bũcũna mehna ohõ saha ni tũhotuahye: “Jesu wesere cohteyequina quiti mehna marine tuhtiro nine”, ni tũhotuahye. Sa ni tũhotuye Jesure ñehe duamahye. Sa ñehe duepeta masare cue niahye. Sa cueye tiquireore cohã cãa wahahye.

**Fariseo masa, Herode ya curua cjẽna mehna gobierno
cjẽ wapare sinituahye Jesure
(Mt 22.15-22; Lc 20.20-26)**

¹³Waha, tiquina fariseo masare, Herode ya curua cjẽna gũhũre Jesure sinitu dutiye ohoahye tja. Jesu ñano tiquiro yũhtigũ ye duamahye tiquina, tiquireore yahusãne tehe. ¹⁴Sa ye Jesu cahapũ esaye, tiquireore niji sio sinitumahye:

—Buhegũ, poto yahuducugũ, ni mehoñe mariegũ mũhũ ijigũ masiaja usã. Cohãcjũ yere queoro mũhũ yahugũ gũhũre masiaja usã. Sa yegũ ihcãquiro pũhoro waro ijiepegũta tiquiro gũhũre dõyaro marieno potota yahure mũhũ. Sa yegũ usãre yahuya. ¿Roma cjũno ijipihtiyequina pũhoro yere marine wapa yero cahmeajari, mũhũ tũhotugũ? ¿Mari dutiye wapa ye dutiajari, mũhũ tũhotugũ? ni sinituahye tiquina Jesure.

¹⁵Tiquina sa sinitugũ tũhoro tiquina ñano ye duayere masino Jesu ohõ saha ni sinituahye tiquinare:

—¿Dũhse yena yũhũ ñano yahuducugũ tũho duajari mũsa? Yojoopũre niñeru cjoere ne cãhtaya. Ti cjoere ihñauhna, niahye Jesu tiquinare.

¹⁶Tiquiro sa nigũ tũhoye tiquina pehe ihcã cjoe ne cãhtahye. Tiquina ne wihigũ Jesu sinituahye tiquinare:

—¿Noa boro queoye wahñajari ahri cjoere? ¿Noa boro wame wahñajari? ni sinituahye tiquiro.

—César, masa ijipihtiyequina pũhoro queoye, tiquiro wame gũhũ wahñare, ni yũhtiahye tiquina.

¹⁷Tiquina sa nigũ Jesu yahuahye tiquinare:

—Ti pje pũrita masa ijipihtiyequina pũhoro yere tiquiro pehere ohoya. Cohãcjũ yere Cohãcjũ pehere ohoya, ni yahuahye Jesu.

Tiquiro sa nigũ tũhoye tũho maria wahahye.

**Cohãcjũ tiquiro masoatire yahuahye Jesu saduceo masare
(Mt 22.23-33; Lc 20.27-40)**

¹⁸Sa ye ihquẽquina saduceo masa Jesu cahapũ wihiahye. Saduceo masa pehe “Cohãcjũ yariariquinare masosi”, ni tũhotuyequina ijiahye. ¹⁹Sa ye tiquina ohõ saha niahye tiquireore:

—Buhegũ, ohõ saha ni buheahye Moise: “Ihcãquiro wahmino namo tiriquireo pohna mariedaperota yariagũ ihñano tiquiro bahũrore tiquiro wahmino namono

ijiricorore n̄oano cahmene. Sa yero wahmino m̄nano tiqiro pohna tiboro saha pohna tiro cahmene tiqiro bah̄ore. Sa ye tiqiro pohne tiqiro wahmino m̄nano pohne yero saha ijeta”, ni ojoahye Moise, niahye tiquina Jesure.

²⁰Tire ni tuhasa, ahri quitireta yahu nemoahye Jesure:

—Ihc̄aquiromo mas̄no ijahye. Seis bahana tiahye. Tiquiro wahmino pehe namo ti, pohna mariedaperota yariaa wahahye. ²¹Sa yero apequiromo tiqiro bah̄oro ḡh̄u tiqiro wahmino namono ijiricorore c̄omahye. Tiquiro sa n̄oari bato tiqiro wahmino yero saha pohna mariedaperota yariaa wahahye tja. Sa yero ahriquiromo bah̄oro tiqiro wahmino m̄nano yero saha pohna mariedaperota yariaa wahahye. ²²Sa dihita wahahye ihc̄aquiromo pohne waro. Ne pohna mariedapeta yariaa pihtia wahahye tiquina. Tiquina namono ijiricoro ḡh̄u tiquina batota yariaa wahahye. ²³¿Ne, Coh̄c̄j̄u ijipihtiyequinare yariariquina m̄nare tiqiro masoḡu diquiromo namono pehe ijiritari ticoro? Tiquina ijipihtiyequina ticoro namo tiriquina m̄na ijahye. ¿Sa yero diquiromo namono pehe ijiboagari ticoro pototi? ni sinituahye tiquina.

²⁴Jesu ȳhtiahye tiquinare:

—Coh̄c̄j̄u yere tiquina ojoari p̄re, tiqiro masiñe ḡh̄ure ne masiedare m̄sa. Sa yero m̄sa t̄hotuye pehe ne poto ijierare. ²⁵Yariariquina m̄na tiquina masa m̄jari bato angele yero saha ijire. Namu marieñequina, man̄u marieñe numia ijire top̄re. ²⁶Yariariquina m̄na tiquina masa wijiato pehere m̄sare yahugat̄ja: Tire Moise quehnoano yahu pehoahye. Mehenuḡa ȳj̄ri quitire oh̄o saha ni yahuahye tiqiro: “Ȳh̄u Abrah̄a, Isaac, Jacob tiquina p̄hto t̄jaja”, ni yahuri Coh̄c̄j̄u ȳh̄ure”, ni ojoahye Moise tiqiro ojoari p̄p̄. ²⁷Tiquina yariari bato “Tiquina p̄hto t̄jaja”, ni yahuahye Coh̄c̄j̄u. Sa nieperota yariariquina m̄na p̄htoro ijierare Coh̄c̄j̄u. “Tiquina p̄hto t̄jaja”, tiqiro niñe mehna catiyequina tiquina ijiḡu masiaja mari. Tiquiro catiyequina p̄htoro ijire. Sa yena “Yariariquina masasi”, ni t̄hotuna potota t̄hotuerare m̄sa, niahye Jesu tiquinare.

Quehnoa ȳhd̄uro dutiromo yahuahye Jesu

(Mt 22.34-40)

²⁸Sa ye ihc̄aquiromo us̄a acaye judio masare buheyequina mehna c̄j̄no tiquina cahap̄u wihi, tiquina cahme yahuducuḡu t̄hoahye. Jesu quehnoano ȳhtiyere t̄horo sinituahye tiquiromo.

—¿Coh̄c̄j̄u ye dutiromo quehnoa ȳhd̄uari dutiromo noho pehe ijiajari, m̄h̄u t̄hotuḡu? ni sinituahye tiqiro Jesure.

²⁹Jesu tiquiromo yahuahye:

—Ahri dutiromo ijire apeye dutiye bui quehnoa ȳhd̄uari dutiromo: “Israe masa, t̄hoya. Coh̄c̄j̄u m̄sa p̄htoro ȳh̄u ihc̄ta ijiaja. ³⁰Tuturo m̄sa jeripohnari mehna, quehnoano m̄sa wac̄ñe mehna, m̄sa tutuaye mehna ȳh̄ure cah̄ña”, nine Coh̄c̄j̄u. ³¹Ahri dutiromo bato apero dutiromo quehnoano ijire. “M̄h̄u basi m̄h̄u cah̄no saha m̄h̄u cahap̄u ijiequina ḡh̄ure cah̄ña”, nine Coh̄c̄j̄u. Ahri p̄aro dutiroma ijipihtiyere apeye dutiye ȳhd̄uro ijire, ni yahuahye Jesu tiquiromo.

³²Tiquiro sa nigũ judio masare buheriquiro ohõ saha niahye:

—Sa tjire. Buhegũ, potota nine mũhũ. Cohãcjũ ihcãquirola ijire. Apequiro tiquiro yero saha ijiriquiro mariedare. Mũhũ niñe potota ijire. ³³Cohãcjũre tutuaro mari jeripohnari mehna, mari wacũñe mehna, mari tutuaye mehna tiquirore cahĩno cahmene marine. Yũhũ caha ijieyquinare yũhũ basi yũhũ cahĩno saha tiquina gũhũre cahĩno cahmene yũhũre. Wahiquinare wejẽ ẽjũa mũo mari ohori mehna mari ño peogũ quehnoarĩmene. Ahri yũhdũoro Cohãcjũre, masa gũhũre mari cahĩñe quehnoa yũhdũare. Mũhũ sa niñe ijirota ijire, niahye judio masare buheriquiro Jesure.

³⁴Tiquiro sa quehnoano yãhtigũ tãhoro Jesu yahuahye tiquirore:

—Mehenogã dũhsare mũhũre Cohãcjũre mũhũ quehnoano masiato, niahye tiquirore.

Tiquiro sa nigũ tũhoye apequina cueye, ne sinituerahye Jesure.

Cristo Davi mũnano pũhtoro ijire

(Mt 22.41-46; Lc 20.41-44)

³⁵Sa ye Cohãcjũ wũhũpũ buhero ohõ saha niahye Jesu:

—“Cristo Davi mũnano panamino iji turiariquiro ijire”, ni buhere mari acaye judio masare buheyequina. ¿Dũhse niñe sa ni buheajari tiquina?

³⁶Davi tiquiro basi Espĩritu Santo tiquiro dutiriro sahata ohõ saha ni yahuahye:

Cohãcjũ yũhũ pũhtoro ohõ saha nidi: “Ohõpũ yũhũ poto pehe dujiya.

Sa yegũ mũhũre ihña tuhtieyquinare mũhũre yũhdũdũca basagũtja yũhũ”, nidi Cohãcjũ yũhũ pũhtoro, ni ojoahye Davi mũnano.

³⁷Sa ni ojoaro Davi mũnano pũhtoro tiahye Cristore. ¿Davi mũnano Cristo ñecũno mũnano iji turiariquiro ijieperota dũhsero Davi pehe pũhtoro tiyari Cristore? Cristo Davi mũnano pũhtoro ijire, ni yahuahye Jesu.

Tiquiro sa ni buhegũ peyequina masa bucueye mehna tũhoahye tiquirore.

Jesu judio masare buheyequina tiquina ñañene yahuahye

(Mt 23.1-36; Lc 11.37-54; 20.45-47)

³⁸Sa yero tiquiro buhe nemono ohõ saha niahye:

—Mari acaye judio masare buheyequina tiquina ñañe yeyere quehnoano ihñaña. Sa yena tiquina yero saha yeracãhña. Tiquina yoaye suhti saña, masa tiquina ihñonopũ majare, doeri cjẽ duaropũ apequina pũhtoare quehnoano ño peo tiquina sinino saha tiquina piti ca sinigũ cahmene tiquina. ³⁹Sa ye mari judio masa buheye wũhũsepũ quehnoañe dujiye dihitare duji duare. Sa ye bose deco ijigũ topũ gũhũre quehnoañe dujiye dihitare cahmene tiquina.

⁴⁰Tiquina wape wiha numia ye wũhũsere tiquina cũoye gũhũre ehmare ti numiare. Sa ye tiquina masa ihñonopũ yoari pje Cohãcjũre siniducumene masare ihña dutiye. Tiquina sa yeri buhiri apequina bui cjũno tiquinare Cohãcjũ pajiro buhiri dahrerota, niahye Jesu tiquinare.

Wape wihoro ticoro ohorire yahuahye Jesu

(Lc 21.1-4)

⁴¹ Sa yero Jesu Cohăcĵũ wuhũ cĵẽ niñeru tiquina sãri acaro caharũ dujahye. Topũ masa tiquina niñeru duhu sãgũ ihña dujiro niahye. Sa ye niñeru opana ti acarorũ pajiro duhu sãhye. ⁴² Sa yero wape wihoro pejec̃oricoro ti acarorũ ahta, pua cjoegã duhu sãhye. Pua cjoie ihcã centavo pose ijire. ⁴³ Ti cjoeri ticoro duhu sãgũ ihñano tiquiro buheyequinare pijioahye:

—Ijirota niita niaja musare. Ahricoro wape wihoro pejec̃oricoro pehe niñeru ihbori acarorũ duhu sãno apequina ijipihtiyequina tiquina ohori yũhdũoro ohori ticoro pehe. ⁴⁴ Apequina doeri cĵẽ opana pajiro tiquina ohoepregũta tiquina ye pajiro dũhsare. Ahricoro pehe pejec̃oricoro ijieperota ijipihtiye ticoro ihyatire dũborigãre oho pehori, niahye Jesu.

—Cohăcĵũ wuhũ cohãri wuhũ ijirota, niahye Jesu

(Mt 24.1-2; Lc 21.5-6)

13 ¹ Sa ye Cohăcĵũ wuhũpũre tiquina wijiagũ ihcãquiro buheyequina mehna cĵũno ohõ saha niahye:

—Buhegũ, ihñaña. Ahri wuhũse quehnoañe utã paca mehna tiquina yeri wuhũse quehnoa yũhdũaye wuhũse ijicjoare, niahye tiquiro.

² Tiquiro sa nigũ Jesu yahuahye tiquinare:

—Ahri ijipihtiye mari ihñari wuhũse, ahri wuhũse cĵẽ utã paca gũhũre cohã pehoeta. Ne ihcãria utã tojoasi, niahye Jesu tiquinare.

Decorĩ pihtiatire yahuahye Jesu

(Mt 24.3-28; Lc 21.7-24; 17.22-24)

³ Sa ye Jesu Olivo wame tidũ cunũrũ Cohăcĵũ wuhũ potorũ ijidũrũ esahye. Tũ buirũ dujahye. Topũ Pedro, Santiago, Ñu, Andre mehna tiquina sehsharo ijiye, tiquina tiquirore sinituahye:

⁴ —Yahuya usãre. ¿Dũhse ijigũ sa waharotari mũhũ nidiro saha waharo? ¿Deco pihtiato panogã ijigũ dũhse ti waha dũcagũ ihñanatarĩ usã? ni sinituahye tiquina Jesure.

⁵ Jesu yũhtiahye:

—Quehnoano yeya musa. Sa yena apequina tiquina ni mehoñene tuhoeracãhña musa. ⁶ Peyequina masa “Cristo ijijaja yũhũ”, ni mehoñequina ahtaeta. Tiquina sa ni mehogũ tuhoye peyequina masa Cohăcĵũ yere duhueta.

⁷ Mũsa cahagã masa apequina tiquina cahme wejẽgũ tuhonata musa. Sa yena yoarorũ gũhũre tiquina cahme wejẽgũ tuhoonata musa. Sa tuhoopenata ne tire pajiro tuhhotueracãhña. Sa waharota. Tiquina sa yegũ pihtiatĩ deco dũhsarĩnota. ⁸ Ti pjere ihcã yehpa cĵẽna ape yehpa cĵẽna mehna cahme wejẽeta. Sa ye ihcãquiro pũhtoro yequina apequiro pũhtoro yequina mehna cahme wejẽeta. Sa yero

ijipihtiri yehpa ñuhminota. Sa ye peyequina masa ɥjua mehna yarieta. Sa wahagũ ahri yehpa cjẽnare tiquina ñano yũhdũ nemoato dũhsarĩnota. Nãno yũhdũrĩeta.

⁹Sa wahagũ ihñana mũa basi quehnoano yeya. Apequina mũa sare ñehe, ñano ye dutiye ohoeta apequina pũhtoapũre. Sa ye judio masa mari buheye wũhusepũ mũa sare quẽeta. Tiquina sa yegũ bujũye macari cjẽna pũhtoã, tiquina bui pũhtoã gũhũ mũa sare buhiri dahreye tehe sinitueta mũa sare. Yeequina mũa ijiri buhirire apequina mũa sare yahusãeta. Sa yena yeere yahunata mũa tiquinare. ¹⁰Sa ye pihtiati deco pano quehnoañe buheye ijipihtiye yehpari cjẽnare buheripũ ijirota. ¹¹Sa yena mũa sare buhiri dahre dutiye, buhiri dahre dutiatiquiro cahapũ tiquina neagũ tiquirore mũa niatire “Yahu masiedaboaga”, ni tũhotueracãhña mũa. Ti pjere mũa niatire mũa sare Espĩritu Santo yahurota. Tiquiro sa yahurire yahuya mũa. Mũa esa tuharo yahuducusi mũa. Espĩritu Santo mũa sare yahuducu basarota. ¹²Ti pjere tiquina wahmisũmũa tiquina bahanare wejẽ dutiye ohoeta pũhtoare, yeequina tiquina ijiri buhiri. Tiquina pacũsũmũa tiquina pohnene wejẽ dutiye ohoeta pũhtoare. Tiquina pohne pehe tiquina pacũsũmũare wejẽ dutiye ohoeta pũhtoare. ¹³Sa ye yeequina mũa ijiri buhiri mũa sare masa ijipihtiyequina ihña tuhtieta. Tiquina sa yepegũta ahri yehpapũ mũa catiro puno mũa sare tiquina ñano yerire ihcãno sahana yũhũre duhuerana, yũhdũnata mũa.

¹⁴Sa yena ña yũhdũariquirore Cohãcjũ yere ñano yeriquirore ihñanata mũa. Cohãcjũ ya wũhũpũ tiquiro ducugũ ihñanata. Topũ tiquirore ijieraro cahmene. Topũ tiquiro ducugũ ihñañe Judea yehpapũ ijiequina cũnũ cjũpũ duhti oma mũjaa wahaahro. Ahri yũhũ nidire quehnoano masiña mũa. ¹⁵Sojaro mehna oma duhtiahro. Ti pjere tiquina wũhũse bui cjẽ paaripũ ijiequina wũhũ puhĩapũ ijieyre tiquina yere neñe wahaeracãhdo tiquina waha madoqueoato saha. ¹⁶Sa ye ti pjere apequina tiquina weseripũ ijiequina tiquina bui cjẽ suhtire wũhũpũ ijieyre suhtire neñe wahaeracãhdo tiquina waha madoqueoato saha. ¹⁷Ti pjere niji pacosãnumia, tiquina pohnene apũoñe numia gũhũ pejecũoro wahaeta. ¹⁸Sa yena ohõ saha ni siniña Cohãcjũre: “Pohecũ ijigũ sa wahaeracãhdo”, ni siniña tiquirore. ¹⁹Ti decorire masa ña yũhdũaro wahaeta. Ahri yehpare tiquiro bajumehnedi bato masa ñano yũhdũe tiahye. Ti sa ijiepegũta ijipihtiye ti purĩne yũhdũoro pihtiati deco ijigũre ña yũhdũaro masa yũhdũeta. Sa ñano tiquina yũhdũri bato pari turi sa ña yũhdũaro yũhdũsi ahri yehpapũ. ²⁰Sa yero Cohãcjũ ti decorire meheñe decorigã ijigũ yerota. Tiquiro sa yeragũ ne ihcãquiro masũno yũhdũeraboaga. Sa yero tiquiro beseriquina tiquina yũhdũatire meheñe decorigã cũnota Cohãcjũ.

²¹Ti pjere apequina mũa sare “Ihñaña. Ahriquiro ijire Cristo”, tiquina nigũ tiquinare tũhoeracãhña. “Topũ ijire Cristo”, tiquina nigũ gũhũre tũhoeracãhña. ²²“Cristo ijijaja”, ni mehoñequina, “Cohãcjũ yere yahu mũhtana ijijaja”, ni mehoñequina ijietã ti pjereta. Sa ye Cohãcjũ beseriquinare ni mehoñe, tiquina tutuaye mehna ye ihñõeta. Cohãcjũ yequinare Cohãcjũre tiquina cohã duagũ ye duare tiquina mehoñequina. ²³Ahrire yahuyujaja mũa sare sa wahato pano. Sa yena quehnoano yeya mũa, ni yahuahye Jesu.

Jesu ahri dihtapüre tiquiro tojoa tatire yahuahye

(Mt 24.29-35, 42-44; Lc 21.25-36)

²⁴Sa ni tuhasa ohõ saha ni yahuahye Jesu:

—Ti decori ijigũ tiquina ñano yuhduri bato asũ deco cjũno, ñami cjũno gũhu buhrio duhu cãeta. ²⁵Tiquina sa wahagũta ñahpicoha paca uhmusepu ijiye paca bora dijiaa wahaeta. Sa ye uhmuse cjẽ yehpari, ñahpicoha gũhu ti sa wahaducurore comesaeta. Sa ye ñuhmieta. ²⁶Ti pjeta yũhu masu Cohãcjũ ohorigu ahtagutja. Sa ye uhmusepu yũhu tutuaye mehna yũhu asi siteye mehna uhmuse cjẽ ehmeo cururi buipu ahri yehpapure yũhu tojoa tagũ ihãeta masa. ²⁷Sa yegu yeequina angelere ijipihtiropu ahri yehpapu ohogutja. Sa ye ijipihtiropu yeequina yũhu beseriquinare tiquina neeta.

²⁸Yojopure higeragure tuhutuya masa. Ta quti mehna masare queoye mehna buhegutja. Tu yucugũ pũri tigũ ihãana cahma mehenogã duhsagũ masine masa. ²⁹Sata ahri ijipihtiyeyũhu nidi sa wahagũ ihãana, yũhu tojoa tato mehenogã duhsagũ masinata masa. ³⁰Ijirota niita niaja masare. Ti pje cjẽna tiquina yariato panore ijipihtiyeyũhu nidiro sahata sa waharota. ³¹Uhmuse, ahri yehpa gũhu phtia waharota. Yũhu yahuducuye pehe ne comesasi. Ijipihtiyeyũhu nidiro sahata sa waha sohtori tiarota.

³²Ti decore yũhu tojoa tati decore, ti hora gũhure masiedaja yũhu. Angele gũhu tire masiedare. Masa gũhu ne masiedare. Yũhu Pacu dihita tire masine.

³³Masa gũhu ti decore masiedare. Sa yena quehnoano yeya. Quehnoano cohteya. Cohãcjũre siniña masa. ³⁴Ohõ saha cohteya masa. Ahri quti mehna masare queoye mehna buhegutja. Wũhu upũro yoaropu tiquiro tinino saha ijire ahri. Tiquiro wahato pano tiquiro cahacjẽnare wũhure cohte dutiahye. Tiquinape tiquina dahrayere cũahye. Sa yero wũhure cohteriquirore tiquiro tojoa tatore cohte dutiahye. ³⁵Sa yena masa gũhu quehnoano wacũ masi cohteya. Wũhu upũro tiquiro tojoa tatore tiquina masiedariro saha yũhu masa puhto tojoa tati decore masiedare masa gũhu. Ñamicahapu, ñami deco, canaca tiquiro yahuri pje ijigũ bohrearopu ahtaboaga. ³⁶Yũhu sa wacũeno mehna yũhu wihiatore masina, yeere sa yeducuya. Sa yena yũhure quehnoano cohteya. ³⁷Sa yegu masare yũhu nino sahata ijipihtiyequinare sa niaja: Quehnoano wacũ masi cohteya, niahye Jesu tiquinare.

Pahia puhto, judio masare buheyequina mehna Jesure wejẽ duahye

(Mt 26.1-5; Lc 22.1-2; Jn 11.45-53)

14 ¹Sa ye ti pjere pascua wame tiri bosc deco pano pugũ yeye moremehneñe pãre tiquina ihyati deco pano, puã deco duhsariãhye. Ti pjere pahia puhto, usã acaye judio masare buheyequina mehna Jesure tiquina ni mehoñe mehna tiquina ñehe wejẽatire cahme yahuducuye niahye.

²—Bosc deco ijigũ tiquirore ñehedacũhna “Masa usuari”, nina, niahye tiquina basi.

Numino ehme sitiye uhse mehna Jesure pio peoahye
(Mt 26.6-13; Jn 12.1-8)

³Sa ye Jesu gũhu Betaniapu, Simo cami bucũ mũna wihiro ijimediquiro ya wũhũpũ ijiahye. Sa yero tiquina ihyari watoa numino pehe alabastro mehna yeriare ehme sitiye nardo wame tiye uhserere pose tiriare ne wihiyahye. Ti uhse pehe wapa bũjũye ijiahye. Sa yero ticoro tiare pohadoqueo, Jesu dapu bui pio peoahye. ⁴Ticoro sa yegũ ihñañe apequina usuaa wahahye.

—¿Dũhse yero ahricoro ahri ehme sitiye co wapa bũjũyere sa ye siteajari? ⁵Tire ticoro duaboaya. Tire duaro tres cientos niñeru cjoerire wapataboaya. Sa yero ti niñerure pejecũoyequinare ohoboaya ticoro, ni cohteahye apequina pehe ticoro sa yegũ ihñañe.

Sa ye tiquina ticorore tuhtiahye.

⁶Tiquina sa nigũ tũhoro Jesu tiquinare yahuahye:

—Sa niedacãhña ticorore. Yũhũre ticoro quehnoano yero nine. ⁷Pejecũoyequina pehe mũsa mehna sa ijiducueta. Sa yena mũsa cahmedi pje tiquinare oho masine. Yũhũ pehe ahri yehpare mũsa mehna sa ijiducusi. ⁸Ticoro cũoro puno mehna ticoro yũhũre sa yeri. Yũhũre tiquina yato pano yũhũ pagũre quehnoyuro, ehme sitiye pio peori ticoro. ⁹Sa yegũ potota niita niaja mũsare. Ijipihtiro ahri yehpapũ quehnoañe buheyere tiquina yahuatorũ ahricoro yojopũre ticoro yerire yahueta. Tiquina sa yahuũgũ tũhoye ticorore masa peyequina wacũeta, ni yahuahye Jesu.

Juda Iscariote Jesure ihña tuhtiyequinare tiquiro ihñaotire
yahuahye pahia pũhtoare
(Mt 26.14-16; Lc 22.3-6)

¹⁰Ti pjereta Juda Iscariote doce buheyequina mehna cãno Jesure tiquiro ihñaotire yahuro wahahye tiquirore ihña tuhtiyequinare, pahia pũhtoare. ¹¹Sa ye pahia pũhtoare tire tũhoye bucueahye.

—Mũhũre niñerure ohonatja, niahye tiquina Judare.

Sa yero Jesure ihña tuhtiyequinare tiquiro ihñaotire wacũ macahye.

Jesu tiquiro buheyequina mehna tiquina ihya bato tiri deco ijiahye
(Mt 26.17-29; Lc 22.7-23; Jn 13.21-30; 1 Co 11.23-26)

¹²Pugũ yeye moremehneñe pãre tiquina ihyati bose deco iji dũcari deco, ovejare pascua deco ijigũ ihyatiquirore tiquina wejẽati deco ijiahye. Ti pjere tiquiro buheyequina pehe sinituahye Jesure:

—¿Noho boropũ bose deco ijigũ mari ihyatire quehnoyũ dutigũ ohoutjari mũhũ usãre? niahye tiquirore.

¹³Tiquina sa nigũta Jesu pehe pũaro tiquiro buheyequina mehna cãenare ohoahye.

—Jerusalẽpũ wahaya. Topũ mũsa esagũ aco suture wũariquiro mũsare piti carota. Tiquiro piti cagũ tiquiro mehna wahaya. ¹⁴Sa wahana

tiquiro siho sajāri wuhurū esana wuhū upūrore ohō saha ni yahuya: “¿Nohorū yuhū buheyequina mehna pascua cjē ihyayere ihyanatari?” nidi buheriquiro”, niña wuhū upūrore. ¹⁵Musa sa nigū tuhoro uhmuano cjā tucūre pajiri tucūre mari cahmeñe mehna tiquina quehñori tucūre ihñonota wuhū upūro. Topū mari ihyatire dahreya musa, niahye Jesu tiquinare.

¹⁶Tiquiro sa nigū tuhoye tiquina tiquiro buheyequina ti macarū wahahye. Topū esagū tiquinare tiquiro nidiro sahata wahahye. Sa ye tiquina pascua cjē ihyayere dahreahye.

¹⁷Sa ye nahitia cāhtagū Jesu doce tiquiro buheyequina mehna topūre esahye. ¹⁸Sa yero tiquina mehna mesarū ihyaro Jesu tiquinare yahuahye:

—Poto niita nijaja musare. Ihcāquiro musa mehna cjūno yuhū mehna ihyariquirota yuhūre ihña tuhtieyquinare ihñonota, ni yahuahye Jesu tiquinare.

¹⁹Tiquiro sa nigū tuhoye tiquina pehe bújua witiyahye.

—¿Yuhūta ijijari mūhūre ihñocjū? ni sinitu pihtiahye tiquina Jesure.

²⁰—Musa mehna cjūnota ijire tiquiro. Yuhū ihyari parū yuhū mehna soha ihyariquirota ijire yuhūre ihña tuhtieyquinare ihñootiquiro. ²¹Panorū yuhūre tiquina yahu ojoariro sahata yuhū masū Cohācjū ohorigū yariagūta. Sa yero yuhūre ihña tuhtieyquinare ihñoriquiro pejecūoro yuhūdūrota. Tiquiro pehe masa bajueragū, quehnoa yuhūdūaboya. Nano yuhūdūeraboya, niahye Jesu tiquinare.

²²Sa ni yahu tuhasaro tiquiro buheyequina mehna ihyaro taro niahye. Sa yero Jesu pāre ne, Cohācjūre “Quehnoare”, niahye. Sa ninota tiare nuha, itiahye tiquinare.

—Ahrire ne ihyaya. Ahri yuhū pagū ijire, niahye tiquiro tiquinare.

²³Sa ni tuhasa tiquiro sihnini pare ne, Cohācjūre “Quehnoare”, ni tuhasa, ohoahye tiquinare. Tiquiro oho tuhasagū tiquina ijipihtieyquina tire sihniahye.

²⁴—Ahri yuhū dii ijire. Peyequina masa tiquina ñañe yerire cohāgū tagū yariagūta. Sa yegū yuhū diire cohāgūta. Mari Pacū “Musare yuhūdūogūta”, tiquiro nidiro esagū yuhū yariaro mehna tiquiro nidiro sohtori tirota. ²⁵Poto niita nijaja musare. Cohācjū tiquiro puhtoro ijiorū wahma core uhse core yuhū sihniato pano, ahri dihtapūre uhse core pari turi sihnisi yuhū, niahye Jesu tiquinare.

Pedro Jesure tiquiro cohātire yahuahye Jesu

(Mt 26.30-35; Lc 22.31-34; Jn 13.36-38)

²⁶Sa ye tiquina ihcā taha Cohācjū ye basayere basa tuhasa, cūnūpū Olivo wame tidūpū wahaahye. ²⁷Topū siho esaro Jesu tiquinare yahuahye:

—Yojopūre musa ijipiltina yuhūre cohānata. Ohō sahata nine Cohācjū yere tiquina ojoari pūpū yuhūre yahuro: “Ovejare ihña ihboriquiro yero saha ijiriquirore Cohācjū cohānata. Sa tiquiro cohāgū tiquiro yequina oveja yero saha ijieyquina duhti site cāa wahaeta”, nine Cohācjū yere tiquina ojoari pūpū. ²⁸Sa yegū Cohācjū yuhūre tiquiro masori bato musa pano Galilearū wahayugūta yuhū, niahye Jesu tiquinare.

²⁹Tiquiro sa nigū Pedro ohō saha niahye:



(San Marcos 14.24)

—Yũhũ mehna cǵena ijipihtiyequina tiquina cohã cãepẽgũta yũhũ pehe mũhũre ne cohãsi, nimahye Pedro tiquirore.

³⁰ Jesu yũhtiahye:

—Potota niita niaja mũhũre. Mia ñamita canaca pũa taha tiquiro yahuato pano “Yũhũ Jesure masiedaja”, niguta mũhũ. Ihtia taha sa niguta mũhũ, niahye Jesu Pedrorre.

³¹ Tiquiro sa niepegũta Pedro ohõ saha ni tutuaro bisiro yũhtiahye:

—Mũhũ mehna yũhũre tiquina wejẽ duepegũta “Jesure masiedaja”, ne nisi yũhũ, ni yũhtimahye tiquiro Jesure.

Pedro sa nigũ tũhoye tiquiro mehna cǵena gũhũ sa dihita ni yũhtiahye.

Getsemaní wame tiri wesepũ Jesu Cohãcǵũre siniahye

(Mt 26.36-46; Lc 22.39-46)

³² Sa ye tiquina Getsemaní wame tiri wesepũ wahahye. Topũ esaro ohõ saha niahye Jesu:

—Yũhũ Cohãcǵũre yũhũ sinino watoa ohõ dujiyuya, niahye tiquiro buheyequinare.

³³Sa ni tuhasa Pedrore, Santiagore, Ñure tiquinare ihtiarore piji cāhye. Tiquinare sa piji cāno, pajiro tuhutu dūcahye tiquiro. Sa yero ñano jeripohna tiahye.

³⁴Sa bujua witiro tiquiro mehna cjēnare tiquiro piji cāriquinare ohō saha niahye:

—Yuhū ñano jeripohna tiaja. Yuhūre tutuaro purīno saha tuhutugu niaja. Ohō tojoaya. Sa yena yuhū mehna carīedacāhña mūsa gūhū, niahye Jesu tiquinare.

³⁵⁻³⁶Sa ni tuhasa tiquiro topu mehenogā waha nemo, yehparu quehe saro, Cohācjūre niahye:

—Mai, mūhū ijipihiyere ye masine. Sa yegu yuhū ñano yuhduatire ye dueragu yeracāhña. Yuhū sa niepegūta yuhū cahmeno saha yeracāhña. Mūhū pehe masine. Mūhū cahmeno saha yeya yuhūre, ni siniahye tiquiro Cohācjūre.

³⁷Sa ni tuhasa, ihtiaro tiquiro buheyequina cahapu wihiro, carīnequinare ihñahye. Tiquinare ihñano Pedrore niahye:

—¿Simo, carīgū nijari mūhū? ¿Ihcā hora waro yuhū ihcāno mehna carīgū iji masiedajari mūhū? ³⁸Quehnoano yeya mūsa. Sa yena Cohācjūre siniducuya mūsa, “Ñano yeari”, nina. Mūsa tuhutuye mehna quehnoañene ye duamene mūsa. Mūsa sehsaro sa ye duepenata tire ye masiedare mūsa, niahye Jesu Pedrore.

³⁹Sa ni yahu tuhasa pari turi waha, Cohācjūre siniahye. To pano tiquiro sinidiro sahata siniahye tja. ⁴⁰Sa sini tuhasaro pari turi tiquina cahapu wihiahye tja. Sa wihiro carīnequinare ihñahye tja. Wujua quehe yuhduahye tiquina. Sa ye tiquina Jesure dūhse ni masiedahye. ⁴¹Sa yero pari turi Cohācjūre tiquiro sinidi bato tiquina cahapu wihi, tiquinare niahye:

—¿Yojobu pūritare carīnina nijari mūsa? ¿Sorīna nijari mūsa? To punota umu saro taro nine. Mianogāta yuhūre Cohācjū ohorigure ñañequinare tiquina ohoati pje umu saro nine. ⁴²Wahcāña. Isa wahana. Ihñaña. Yuhūre ihña tuhtiequinare ihñoatiquiro ohō ahtare, niahye Jesu tiquinare.

Jesure ihña tuhtiequina tiquirore peresu yeahye

(Mt 26.47-56; Lc 22.47-53; Jn 18.2-11)

⁴³Tiquiro sa nino watoata Juda, doce buheyequina mehna cjūno ijimediquiro wihiahye. Sa ye masa peyequina ñoseñe pīni, yucu tiāri cūoyequina tiquiro mehna wihiahye. Pahia pūhtoa, judio masare buheyequina, būsna, tiquina ohoriquina masa pehe ijiahye. ⁴⁴Coā warore Jesure ihña tuhtiequinare ihñoatiquiro masare ohō saha ni yahu queo tuhasahye.

—Wahsupure yuhū ihmidiquiro tiquirota ijirota mūsa ñeheatiquiro. Tiquirore yuhū ihmidi bato ñeheña tiquirore. Sa yena quehnoano ñeheña tiquirore “Duhtiarī”, nina, ni yahu tuhasahye Juda pehe.

⁴⁵Sa yero wihirota Jesu cahapu duita waha madoqueoahye.

—Buhegu, ninota wahsupure ihmiahye tiquirore.

⁴⁶Tiquiro sa yegū ihñañe tiquina Jesure ñeheahye.

⁴⁷Tiquina sa yegũ ihñano to cahapũ ducuyequina mehna cjũno tiquiro ñoseni pjĩne tuã we nedoqueo, pahia pũtoro cahacjũnore tiquiro cahmonore dũte pahrẽ cãhye.

⁴⁸Sa yero Jesu ohõ saha niahye:

—¿Dũhse ijero boro mũsa ñoseñe pjĩni mehna, yucu tiãri mehna ahtana, yaqueriquirore yero saha yũhũre ñehena ahtajari? ⁴⁹Decoripe Cohãcjũ wũhũpũ musare yũhũ buhe dujigã, mũsa yũhũre ne ñehedari. Sa ijiepegũta ahri ijipihtiye sa waharo niaga Cohãcjũ yere tiquina ni ojoariro sahata, niahye Jesu masare.

⁵⁰Sa ye Jesu buheyequina tiquirore cohã cã, ijipihtiyequina oma site cãa wahahye.

⁵¹Sa yero wahmũno suhti mariediquiro ihcãno coma cjũno dihita comariquiro Jesu bato nũnũ tãmahye. Tiquiro sa nũnũ tãgũ ihñañe tiquirore ñehemahye. ⁵²Tiquirore tiquina ñehẽ duagũ ihñano tiquiro coma cjũnore cohã cã, suhti mariediquiro oma cãa wahahye.

Pũthoa cahapũ neahye Jesure

(Mt 26.57-68; Lc 22.54-55, 63-71; Jn 18.12-14, 19-24)

⁵³Sa ye pahia pũtoro cahapũ Jesure ne cãhye. Sa ye ijipihtiyequina pahia pũthoa, bũcũna, usã acaye judio masare buheyequina gũhũ cahmecoahye. ⁵⁴Sa yero Pedro pehe Jesu bato yoaropũ nũnũ tãhye. Sa nũnũ tãno pahia pũthoa ya wũhũ cahapũ esahye. Sa yero tiquiro ti wũhũre cohteyequina surara mehna peca dũhtũ cahapũ sohma dujiahye.

⁵⁵Pahia pũthoa, ijipihtiyequina apequina pũthoa gũhũ Jesure wejẽ duti duaye, ni mehoñe mehna tiquirore tiquina ñano buhiri dahreatore wacũ macañe nimahye. Tiquina yahusãtire wacũ bocaerahye. ⁵⁶Sa wacũ bocaerapeta peyequina masa tiquirore sa yahusã maca cãhye. Tiquina yahusãñe poto ijierahye. Apequiuro sijoro saha ni, apequiuro sijoro saha niahye. ⁵⁷Sa ye apequina topũ esaye, Jesure yahusãhye.

⁵⁸—Ahriquiuro ohõ saha nidi: “Yũhũ ahri wũhũre Cohãcjũ wũhũre masa tiquina dahreri wũhũre cohãgũtja. Sa cohãgũ ihtia deco wahaboro ti wũhũre pari turi yegũtja. Ti wũhũ masa tiquina dahreri wũhũ ijisi”, tiquiro nigũ usã tũhou, niahye ni meho yahusãñequina.

⁵⁹Tiquina sa ni yahusãepẽgũta tiquina yahusãñe gũhũ poto ijierahye. Apequiuro sijoro saha ni, apequiuro sijoro saha niahye.

⁶⁰Tiquina sa nigũ tũhoro pahia pũtoro tiquina watoa ducuriquiuro wahcãdũca sa, Jesure sinituahye:

—¿Ahriquina mũhũre tiquina yahusãepẽgũta tiquinare yũhti cahmedajari mũhũ? ¿Mũhũre tiquina yahusãrĩre dũhse ni yũhti cahmeajari mũhũ? niahye tiquiro Jesure.

⁶¹Tiquiro sa nigũ tũhooperota Jesu sata tũhotu cãhye. Tiquiro sa yũhtieragũ ihñano pahia pũtoro tiquirore sinituahye tja:

—¿Cristota ijajari m̄h̄u? ¿Quehnoariquiro Cohācj̄u mac̄u warota ijajari m̄h̄u? niahye tiquiro Jesure.

⁶²—Tiquiro tjajaja. Sa yena yuh̄ure masure Cohācj̄u ohorigure yuh̄u Pacu tutuariquiro poto pehep̄u yuh̄u dujiḡu ih̄nanata m̄sa. Sa yena uhm̄use cj̄e ehmeo cururi watoa yuh̄u ahtaḡu ḡuh̄ure ih̄nanata m̄sa, niahye Jesu tiquirore.

⁶³⁻⁶⁴Tiquiro sa niḡuta pahia p̄htoro pehe tiquiro sañari suhtirore tiquiro basi t̄hr̄e c̄ah̄ye, apequinare “Usua yuh̄d̄are”, ni ih̄ña masi dutiro.

—Cohācj̄ure ñano yahuducuro nine ahriquiro. Sa yena tiquiro ñano yahuducuyere t̄ho tuhasaja mari. Sa ye topequinata yahusāahdo ahriquirore. ¿Sa yena d̄uh̄se yenatari mari yojop̄ure ahriquirore? niahye pahia p̄htoro apequina p̄htoare.

—Tiquiro ñari buhiri wej̄eno cahmene tiquirore, ni yuh̄tiahye apequina p̄htoa.

⁶⁵Sa ye tiquina mehna cj̄ēna Jesure sihco puti, tiquiro caperire d̄ahte biha, tiquirore quēpeahye. Quēpe tuhasa oh̄o saha nipeahye:

—¿Noa pehe m̄h̄ure quēari? Ih̄ñedapeḡuta yahuya us̄are, ni buj̄upeahye tiquina.

Sa ye p̄htoro yequina surara pehe Jesure quēpe tuhasa, neahye.

—Tiquirore masiedaga, niahye Pedro Jesure
(Mt 26.69-75; Lc 22.56-62; Jn 18.15-18, 25-29)

⁶⁶Sa yero w̄h̄u caha ijiri paap̄u quehnoari paap̄u Pedro ijiḡu pahia p̄htoro cahacj̄ono wih̄iahye. ⁶⁷Pedro tiquiro sohmaḡu ih̄ñano ticoro tiquiro dihitare ih̄ñaducuahye.

—Nazare cj̄ūno mehna, Jesu mehna m̄h̄u ḡuh̄u ijiri, niahye ticoro Pedrore.

⁶⁸Ticoro sa niḡu t̄horo tiquiro oh̄o saha niahye:

—¿D̄uh̄se ni macago niajari m̄h̄u? M̄h̄u nidiquirore ne masiedaja yuh̄u, niahye Pedro ticorore.

Tiquiro sa nidi bato Pedro sahr̄ino sopecaha cahap̄u wahahye. Sa yero top̄u tiquiro ducuḡu canaca yahuahye. ⁶⁹Top̄u tiquiro ijiḡu ih̄ñano cahacj̄ono pehe ticoro cahap̄u ducuyequinare yahuahye tja:

—Ahriquiro ḡuh̄u Jesu buheyequina mehna cj̄ūno ijire, niahye ticoro.

⁷⁰Ticoro sa niḡu t̄horo Pedro pari turi oh̄o saha niahye tja:

—Tiquirore masiedaja yuh̄u, niahye tja.

Sa yero came cj̄ūnop̄u top̄u ducuriquina Pedrore oh̄o saha niahye:

—Ijirota ijire. M̄h̄u Galilea cj̄ū ijire. Sa yeḡu tiquina mehna cj̄ūta ijire m̄h̄u, niahye tiquina tiquirore.

⁷¹Tiquina sa niḡu t̄horo tiquiro yuh̄tiahye:

—Potota Cohācj̄u mehna niaja m̄sare. Potota yuh̄u niedaḡu Cohācj̄u yuh̄ure buhiri dahreahro. Tiquirore m̄sa nidiquirore ne masiedaga yuh̄u, ni yuh̄tiahye Pedro tiquinare.

⁷²Tiquiro sa niḡuta canaca yahuahye tja. Tiquiro sa yahuḡu t̄horo Jesu tiquirore nidire wac̄uahye Pedro: “Canaca p̄ña taha tiquiro yahuato pano m̄h̄u

yuhure ‘Jesure masiedaga’, niguta m̄h̄h̄. Ihtia taha sa niguta m̄h̄h̄”, Jesu tiquiro nidire wac̄iahye Pedro pehe. Tiquiro sa nidire wac̄ino, tutuaro utiahye Pedro.

Pilato Jesure sinituahye

(Mt 27.1-2; 11-14; Lc 23.1-5; Jn 18.28-38)

15 ¹Sa ye bohrearop̄ pahia p̄h̄toa, buc̄na, us̄a judio masare buheyequina, ijip̄ihtiequina apequina p̄h̄toa mehna cahmecoa, yahuducuahye tiquina yeatire masiñe tehe. Tiquina basi yahuducu tuhasa, Jesure d̄hte, ne c̄a, Pilatore ohoahye tiquirore. ²Tiquina ne saḡũ ih̄ñano Pilato tiquirore sinituahye:

—¿Potota judio masa p̄h̄tota ijiajari m̄h̄h̄? niahye tiquiro Jesure.

—M̄h̄h̄ nino sahata ijiaja, ni yuh̄tiahye Jesu.

³Sa ye pahia p̄h̄toa peye yahus̄ahye tiquirore. ⁴Tiquina sa ni yahus̄aḡũ t̄h̄oro Pilato tiquirore sinituahye tja:

—Ahriquina m̄h̄h̄re peye yahus̄añe nine. ¿Tiquina sa yahus̄aep̄eḡũta yuh̄tierajari m̄h̄h̄? niahye tiquiro.

⁵Tiquiro sa niep̄eḡũta Jesu ne pari turi yuh̄ti nemoedahye. Sa yero Pilato ne d̄h̄se ni masiedahye.

Jesure wej̄e dutiahye

(Mt 27.15-31; Lc 23.13-25; Jn 18.38-19.16)

⁶Cuhmaripe pascuaripe masa yaquiro ijiatiquirore ihc̄aquirop̄eresup̄ ijiriquirore tiquina cahmediquirore Pilato wio basaducue tiahye. ⁷Ti pjere Barrabá wame tiriquire peresup̄ ijiahye. Tiquiro p̄h̄toare coh̄a duayequina, masare wej̄eñequina mehna cj̄ũno ijiahye. ⁸Sa ye masa peyequina Pilato cahap̄ esaye, tiquirore siniahye:

—Cuhmaripe us̄are m̄h̄h̄ yeducuriro sahata yeya us̄are. Ihc̄aquirop̄eresup̄ ijiriquirore us̄are wio basaya, niahye tiquina.

⁹Tiquina sa niḡũta Pilato tiquinare sinituahye:

—¿M̄sa yaquiro ijiatiquirore m̄sa judio masa p̄h̄torore wio basaboagari yuh̄h̄? ni sinituahye masare Jesure wio duaro.

¹⁰Jesure masa tiquina cah̄ḡũ ih̄ñañe pahia p̄h̄toa ḡũh̄ tiquirore ih̄ña tuhtiahye. Sa ih̄ña tuhtie tiquirore ohoahye Pilatop̄ure. Sa yero masa tiquina cah̄di buhiri tiquina ih̄ña tuhtire masino Pilato Jesure wio duamahye. ¹¹Tiquiro sa wio duep̄eḡũta pahia p̄h̄toa Jesu mehna masare usuaḡũ yeahye. Oh̄o saha ni dutiahye tiquinare: “Barrabá pehere wioya. Jesure wej̄e dutiya”, ni dutiahye masare. ¹²Sa yero Pilatore Barrabáre tiquina wio dutiri bato Pilato tiquinare sinituahye tja:

—¿Ahriquirop̄eresup̄ judio masa p̄h̄toro m̄sa nidiquiro pehere d̄h̄se yeḡutari yuh̄h̄, m̄sa sa niḡũ? ni sinituahye tiquiro.

¹³—Curusap̄ qūe biha wej̄eña tiquirore, ni sañuducuahye masa.

¹⁴—¿Yabe borore ñañene yeari ahriquirop̄eresup̄, m̄sa sa ni sañuducuḡũ? ni sinituahye tiquinare.

Tiquiro sa nigũ tũhoye tiquina sañuducu nemoahye tja:

—Curusapũ quẽ biha wejẽña tiquirore, ni sañuducuahye tiquina.

¹⁵Tiquina sa ni sañuducugũ tũhoro Pilato pehe masare bucuegũ ye duaro Barrabá pehere peresupũ ijiriquirore wio dutiahye masa tiquina cahmediquirore. Sa yero Jesu pehere yuta dari mehna tana duti, curusapũ quẽ biha wejẽ dutiro ohoahye surarare.

¹⁶Sa ye surara Pilato ya wũhũpũ pretorio wame tiri wũhũpũ tiquirore ne sahye. Ne sa tuhasa tiquina apequina surarare tiquina mehna cjẽnare cahmecoãne tehe pijioahye. ¹⁷Sa ye tiquina pũhtoro ya suhtiro yero saha bajuri suhtirore Jesure sãa, pota behtore dahre, ti behtore tiquirore dapu bui duhu peoahye. ¹⁸Sa ye tuhasa ohõ saha ni bũjũpeahye tiquina tiquirore:

—Quehnoano ahtaya. Judio masa pũhto, quehnoano ahtaya, ni bũjũpeahye.

¹⁹Sa nieta yucũgũ mehna tiquirore dapure quẽ, tiquirore sihco puti wisõ, cua pesaro yeyequina yero saha tiquirore quehe sa, ño peoro saha yeahye. Tiquirore ñano yeye niahye. Sa ye bũjũpeye niahye. ²⁰Sa yepe tuhasa tiquina sãari suhtirore tu we nedoqueo, tiquirore ye suhti pehere tiquirore sãa, tiquirore curusapũ quẽ biha wejẽne wahaye, nea wahahye tiquina.

Tiquina Jesure curusapũ quẽ biha wejẽahye

(Mt 27.32-44; Lc 23.26-43; Jn 19.17-27)

²¹Sa ye topũ wahariquiro, Simo Cirene cjũno ihquẽ wũhũse ijioropũ esariquiro, tiquina cahapũ wihigũ ihñañe surara pehe tiquirore Jesu ya curusare wũa cã dutiahye. Alejandro, Rufo pacũro ijiahye Simo pehe.

²²Waha, Gólgota wame tiropũ esahye. Gólgota nino “Dapu pehtoro”, nino nine. ²³Sa ye vinore mirra wame tiye co mehna tiquina moredi core Jesure ohomahye. Sa yero ti core sihni duerahye tiquiro. ²⁴Sa ye curusapũ Jesure quẽ bihahye tiquina. Quẽ biha tuhasa tiquirore suhti ijirire “¿Noa yaro ijirrotari ohõ?” ni cahme doquepeahye tiquina.

²⁵Jesure curusapũ tiquina quẽ bihagũ ihtia hora dũhsahye coheri pje esato. ²⁶Sa ye curusapũ ohõ saha ni ojoari pjĩne duhu ohõahye tiquina tiquirore ñañe buhirire yahu duaye. “AHRIQUIRO JUDIO MASA PũHTORO IJIRE”, ni ojoahye tiquina ti pjĩne. ²⁷Sa ye pũaro yaque bũcũna Jesu caha apeye curusaripũ tiquina quẽ biha ohõriquina ijiahye tiquina. Ihcãquiro pota pehe, apequiro cũ pehe pehe quẽ biha ohõahye tiquina gũhũre. [²⁸Tiquina sa yegũ panopũ Cohãcjũ yere tiquina yahu ojoariro sahata waharo niahye. Ohõ saha ni ojoahye: “ ‘Dutiyere yũhdũdcayequina mehna cjũno ijire’, ni, tũhoturi masa tiquirore”, ni ojoahye panopũ.]

²⁹Sa ye curusari cahapũ yũhdũ cãñequina Jesure ihña, tiquina dapu pacare yuredoqueo, tiquirore ñano ni yahuducuahye:

—Quehnoare. Quehnoare. ¿Cohãcjũ wũhũre cohã, ihtia deco wahaboro pari turi ti wũhũre dahreaçũ ijiajari mũhũ? ³⁰Mũhũ basi dijiahya. Sa yegũ mũhũ basi yedohoya. Sa yegũ yũhdũ witiguta mũhũ, ni bũjũpeahye tiquina.



(San Marcos 15.19)

³¹Tiquina yero sahata pahia puhto gũhũ usã judio masare buheyequina gũhũ tiquirore sa ni bujũpeahye. Sa ni bujũpeye ohõ saha niahye tiquina basi:

—Tiquiro apequinare yũhdũoriquiro ijieperota tiquiro basi yũhdũo masiedare. ³²“Israe masa puhto, Cristo ijiaja”, nimesi tiquiro. Sa yena tiquiro basi dijia tagũ ihñana tiquirore wacũ tutuanata, ni bujũpeahye tiquina.

Sa ye yaque bucũna tiquiro caha tiquina quẽ biha ohõriquina gũhũ sata ñano ni bujũpeahye tiquirore tja.

Jesu yariaa wahahye

(Mt 27.45-56; Lc 23.44-49; Jn 19.28-30; He 6.19-20; 10.19-20)

³³Sa ye coheri pje ijigũ ihtia hora waro ijipihtiropũ nahitiaa wahahye.

³⁴Sa yero nahitia yũhdũgũ waro Jesu tutuaro sañuducuahye:

—¿Eloi, Eloi lema sabactani? niahye tiquiro.

Sa nino ohõ saha nino niahye. “¿Yũhũ Расѹ, yũhũ Расѹ, dũhsegu yũhũre cohãjari mũhũ?” nino niahye.

³⁵Tiquiro sa nigũ tũhoye ihquẽquina topũ ducuriquina ohõ saha nimahye:
—Cohãcjũ yere yahu mũhtariquirore Elia mũnanore pijioro niboaga,
nimahye tiquina.


³⁶Sa yero ihcãquiro tiquina mehna cjũno oma cã, aco ihmini sũhtere
vino suẽne core tiquiro sohari sũhtere ne cã, yucũgũ sohtoapũ dũhte ohõ,
Jesure sihõmahye. Sa sihõno ohõ saha nimahye:

—Cohteniña. Elia mũnana ahriquirore tiquiro yũhdũogũ ihñarĩhna
mari, nimahye tiquiro apequinare.

³⁷Tiquiro sa nidi bato Jesu pehe tutuaro sañuducu, yariaa wahahye. ³⁸Tiquiro
yariagũta Cohãcjũ wũhũ cjã suhtiro cahsero tore tiquina cahmotari cahsero
deco mehna bui pehe tũhnũ dijia ta, tũhnũ maa cjũ saa wahahye. ³⁹Tiquiro sa
yariagũ ihñano surara pũhtoro Jesu caha ducuriquiro ohõ saha niahye:

—Ijirota ijire. Ahriquiro Cohãcjũ macũnota ijire, niahye tiquiro.

⁴⁰Sa ye yoaropũ ducuye numia Jesure ihñaducuye niahye. Tiquina
numia mehna María Magdalena ijiahye. Apecoro María wame tiricoro
gũhũ ijiahye. Ticoro pehe José, tiquiro bahũro Santiago, tiquina pacoro
ijiahye. Apecoro Salomé ijiahye. ⁴¹Tiquina numia Jesu yere quehnoano
tũhoyequina numia ijiye, Galilea yehpapũ tiquiro ijigũ tiquirore
yedohoe tiahye. Tiquina numia mehna peyequina apequina numia gũhũ
Jerusalẽpũ Jesu mehna ahtariquina numia ijiahye.



(San Marcos 15.37)

Jesu pagure masa coperu cūahye
(Mt 27.57-61; Lc 23.50-56; Jn 19.38-42)

42-43 Sa ye ti deco tiquiro yariari deco saurú pano judío masa usã sori deco pano ijiri deco ijiahye. Sa yero pascua cjê ijiatire tiquina quehnoyuri deco ijiahye. Ti ñamita José Arimatea cjũno cuero marieno Pilato caharu esahye Jesu pagure sinino esaro. José judío masa usã puhtoah mehma cjũno, puhtoah tiquina cua pesaro ihñariquiro waro ijiahye. Sa yero Cohãcjũ masa bui tiquiro puhtoro sajãtore cohtero niahye. 44 Sa yero José Pilatore tiquiro sini tuhasagũ tuhtoro tuho maria wahahye Pilato pehe. “¿Jesu yaria tuhasayari?” ni tuhturo, tuho maria wahahye. Sa yero surara puhtoro pijio ohõ saha niahye tiquirore:

—¿Jesu yariaa wahari? ni, sinituahye tiquirore.

45 Tiquiro sa nigũ surara puhtoro yuhtiahye:

—Yariaa wahari, niahye.

Tiquiro sa nigũ Pilato Jesu pagure oho dutiahye Joséré. 46 Tiquiro sa oho dutiri bato José quehnoari suhtirore dúahye. Dú tuhasa, Jesu pagure ne dijio, suhtiro mehma wahme, masa coperu utãpu tiquina seheri coperu tiquiro pagure cūahye. Cū tuhasa, ti cope caha ijiria utãre pajiria utãre tu torê cã, ti copere bihahye. 47 Sa ye María Magdalena, María José pacoro Jesure tiquina cūrirore ihñahye.

Jesu masa wjiahye
(Mt 28.1-10; Lc 24.1-12; Jn 20.1-10)

16 1 Sa ye saurú yuhdugũ María Magdalena, María Santiago pacoro, Salomé mehma wisõne co ehme sitiye dúahye tiquiro pagure wisõne tehe. 2 Sa ye domingo bohrea quehno Jesure tiquina cūri coperu wahahye tiquina. 3 Wahaducuye, ohõ saha niahye:

—¿Ti copere biharia utãre noa marine põo basarotari na? niahye tiquina basi.

4 Ti coperu esaye, ti copere biharia utãre pajiria utãre tiquina põo cūriare ihñahye tiquina. 5 Sa ihñañe ti coperu sajã sahye. Sa sajã saye, wahmãnore poto pehe dujiriquirore yehseye suhti tiriquire ihña, acuaa wahahye. 6 Tiquina sa acuaagũ ohõ saha niahye tiquiro:

—Yuhure ihña acueracãhña. Jesu Nazare cjũno tiquina quẽ biha wejẽdiquiro musa macariquiro masa wjia tuhasari. Ohõre mariedare. Tiquirore tiquina cūrirore ihñaña. 7 “Tiquiro musa pano Galilearu waharota”, ni yahuna wahaya tiquiro buheyequinare, Pedro gũhare. Topu tiquiro nidiro sahata musa tiquirore ihñanata, ni yahuahye wahmãno tiquinare.

8 Tiquiro sa nigũ tuho tiquina cueye, nanare, masa cope caphu ijiriquina oma cãa wahahye. Sa cueye apequinare yahuerahye.



(San Marcos 16.4)

Jesu María Magdalenare bajuahye

(Jn 20.11-18)

[9Sa ye domingo ijigū Jesu tiquiro masa wijiari bato María Magdalenare bajua mūhtahye. Ticoro siete watīare cūomedicoro ijimahye. Sa yero Jesu tiquiro yariato pano watīare tiquiro cohānohricoro ijiahye. Sa yero ticoro pehere bajua mūhtahye tiquiro masa wijiari bato. 10Sa ye Jesu mehna cjēna tiquiro yariagū ihñañe tutuaro bujua witi, utiye niahye. Sa tiquina utiri watoa ticoro pehe tiquirore ihñarire yahumahye tiquinare. 11“Cristo catiri. Ihñau”, ticoro ni yahuepegūta tūho duerahye.

Jesu tiquiro buheyequinare bajuahye

(Lc 24.13-35)

12Came puaro tiquina mehna cjēna wuhuse marienopu tiquina tinigū Jesu sijoro saha bajuriquiro tiquinare bajuahye. 13Tiquiro sa bajuagū ihñañe tiquina tojoaa waha, apequinare Jesu yequinare tire yahuahye. Tiquina sa ni yahuepegūta tiquina pehe tūho duerahye.

Jesu tiqiro yere buhe dutiro ohoahye tiqiro buheyequinare
(Mt 28.16-20; Lc 24.36-49; Jn 20.19-23)

¹⁴Came doce tiqiro buheyequinare mesa cahapɔ tiquina dujigũ tiquinare bajuahye tiqiro. Sa yero tiqiore ihñariquinare tiquina yahugũ tuho dueyequinare masino Jesu tiquinare tuhtiahye. Tiquiore tiquina quehnoano wacũ tutuerari buhirire tuhtiahye tiquinare. ¹⁵Sa tuhti tuhasaro tiquinare ohõ saha niahye:

—Ahri yehpa ijipih̄tiropɔ quehnoañe buheyere ijipih̄tiyequina masare buhena wahaya. ¹⁶Yũh̄re wacũ tutuayequinare tiquina wame yenhriquinare pecapɔ wahaboriquinare yũhd̄orota Cohãc̄jũ. Sa ye yũh̄re wacũ tutueyequina Cohãc̄jũ



(San Marcos 16.14)

tiqiro buhiri dahreatiquina pecapũ wahatiquina ijjeta. ¹⁷Sa ye yũhũre wacũ tutuayequina yũhũ tutuaye mehna ohõ saha yeeta: Yũhũ tutuaye mehna, yũhũ wame mehna watĩare cohãeta. Sa ye wahma yahuducuyere yahuducuetã. ¹⁸Sa ye añaaare tiquina ñehẽgũ, ijipihtiyẽ nima dũhse ijyẽ nimare tiquina sihnigũ, tiquinare ne purĩsi. Sa ye dohatiyequina bui tiquina omocarine tiquina ña peogũ dohatiyequina pehe quehnoa wahaeta, niahye Jesu tiqiro buheyequinare.

Jesu uhmũsepũ mũjaa wahahye

(Lc 24.50-53)

¹⁹Sa ni yahu tuhasa mari pũhtoro Jesu uhmũsepũ mũjaa wahahye. Topũ esaro Cohãcjũ poto pehe dujahye tiqiro mehna pũhtoro ijiro. ²⁰Sa ye Jesu buheyequina ijipihtiropũ quehnoañe buheyere buheye wahaah wahahye. Tiquina sa buhegũ mari pũhtoro tiquinare yedohoahye. Tiqiro tutuaye mehna ye ihũo, masigũ yeahye tiquinare, masare tiqiro ye buheyere tũho dutiro. To punota ijire.]

San Lucas

1 ¹⁻²Pũhto Teófilo, ahrire mũhu buheatire mũhũre ojoa ohogũ niaja. Jesu mũsã mehna ijinino tiquiro yerire apequina ojoa đuca tuhasari jiri. Coã waropũre Jesure ihñariquina, tiquiro yere buheriquina tiquina ni yahuriro sahata apequina tire ojoa đuca tuhasari jiri. ³Sa yegũ ahri ijipihiyere quehnoano masi peho duagũ buhei. Sa yegũ yũhũ gũhũ tire quehnoano ojoa duaja mũhũ buheatire yegũ. ⁴Jesu yere yahuyequina mũhũre buhe tuhasari. Tire quehnoano mũhũ masi nemoatire ahri pũre mũhũre ojoa ohogũ niaja.

Ñu wame yeatiquiro tiquiro masa bajuatire angel yahuahye

⁵Jesu masa bajuato pano, Herode Judea yehpa cjẽna pũhoro tiquiro ijigũ Zacaria wame tiriquire pehe pahi ijiahye. Sa yero Zacaria tiquiro ya curua cjẽna pehe pahia curua Abia mũnano ya curua cjẽna ijiahye. Zacaria namono gũhũ pahi Aaron mũnano panameono iji turiaricoropũ ijiahye. Ticoro pehe Elisabe wame tiricoro ijiahye. ⁶Tiquina pũaro Cohãcjũ dutiyere quehnoano ye pehoyequina tiquina ijigũ ihñano, “Decoripe quehnoañene yere”, ni ihñahye Cohãcjũ tiquinare. ⁷Elisabe ne pohna marienicoro ijiahye. Ticoro Zacaria mehna sata muhũu cãhye pohna mariedape.

⁸Pahia dahrayere dahraye tehe, decoripe tiquina comesae tiahye. “Zacaria ya curua cjẽna ijire”, tiquina nidi bato tiquiro pahia decoripe tiquina yeducuriro saha Cohãcjũ ya wũhũpũ dahraro taro niahye Zacaria. ⁹Pahia sa yeducuriro saha tiquina “¿Noare ijirrotari ẽjũa mũoatiquiro?” niñe, doquepeye mehna bueyere ehme sitiye ẽjũa mũoatiquirore beseahye. Cohãcjũre ño peori altarpũ tiquina beseriquiro Zacaria ehme sitiye ẽjũa mũoatiquiro ijiahye. Sa yero tiquiro Cohãcjũ wũhũpũ sajãa wahahye ẽjũa mũono waharo. ¹⁰Wũhũpũ ijiro ehme sitiye tiquiro ẽjũa mũono watoa ijipihiyequina masa pehe sopecahpũ Cohãcjũre sinie tiahye. ¹¹Ti pjere Cohãcjũ yaquiro angel Cohãcjũre ño peori altar poto pehe bajuadũca sahye Zacariare. ¹²Tiquiro sa bajuagũ ihñano Zacaria tiquirore ihña maria, cuea wahahye. ¹³Sa tiquiro cuegũ ihñano angel tiquirore yahuahye:

—Zacaria, cueracãhña. Cohãcjũ mũhũ sinidire tũhori. Sa yena mũsa pohna tinata. Mũsa macũ masa bajarota. Tiquiro bajuagũ Ñu wame yeya tiquirogãre. ¹⁴⁻¹⁷“Tiquiro quehnoariquiro, tutuariquiro ijire”, ni, ihñanota